



ル 5
1574
5



明
雅
卷
五
1574
5

嘉興府志卷八

嘉興府知府善化許瑤光重輯

學校一

書院義學附

郡縣設學始於唐嘉興篤學亦盛於唐陸宣公是也

國朝從祀兩廡之典最慎乃前入清獻後入楊園誰謂北
人好學南人好文乎名宦以報德鄉賢以式後忠義孝
悌以明倫是以神道輔教也書院以育才義塾以發蒙
廣額以登進是以誘掖勸學也周禮九兩以賢得民以
道得民其在斯乎志學校

府學 在府治西北宋紹興中建

大清案祥符圖經云



舊有文宣王廟在天星湖上唐開元二十七年建廟後

有學室 或云大歷九年置學案此本嘉興縣學 宋太平興國二年知州安

德裕即立學于廟右 趙圖記有騰蛟起鳳橋故跡 大中祥符二年知

州耿肱以廟學庠窄移望雲門內西偏 袁志其地後併天甯寺崇

甯元年頒學制知州錢適改建紹興壬戌知州方滋於

通越門內二百步立學 至元肇建殿堂齋舍七十三間

張嶠重建州學記紹興壬戌二月丁亥制詔諸路守臣

興學如故事于是右奉議郎直秘閣知州方滋言郡有

賓館以爲學規樞湫隘前臨河渠旁迫治所誼囂混淆

大失古人處士于閒燕之義請更諸舊基以詔令從事

四月壬午上尚書省禮部以爲宜是年壬戌下其事于

州乃審曲面勢計間楹量功庸慮財用練日庀事賦諸

任職之吏而時視之取財于興利之餘積貲于經用之

外屬徒于復作之隸凡百工之用售直于官者皆厚于

私家上不諗有司下不煩民力工甚大而人得以食其

業役踰時而衆無所病其勤作殿于前以奉聖師築堂

于後以講術業齋宿有所絃誦有舍步櫺周垣門庖福

浴莫不備具先是學無典籍乃市書于四方略備貯之

以庫而謹其出入爲屋凡七十有三間以六月乙亥始

事以十月庚申告成邦士大夫郡儒游士耆稚畢會仰

視嘆息咸多太守之義曰是能欽天子之詔而承之以

敏矣其將以是爲風化之原接邦人于道也夫仁義治

化之本禮樂所以文仁義也而學校所以寓禮樂也故

大司徒以六德六行教民而終之以六藝則所以文仁

義者有其具矣以六禮六樂爲教而必肆之于學則所

以寓禮樂者有其所以寓之則藏在有司掌于容官何

之可樂禮樂無以寓之則藏在有司掌于容官何習

既登其賢能而使之有所勸又詢之以禮樂而使之有

所慕斯民之從之也無難矣然則學校之教豈獨逮于

學士弟子哉雖庶民亦與也爲治者可不務乎太守字

務德世家桐廬賢而有文理其為秀治迹甚眾興學校
其一事云案嶠記舊學在望雲門西建炎中即州東
賓館為學規樞湫隘請更諸舊基而至元志稱于通越
門內立學則非舊基明矣又張鎮記學自始創三遷訖
定茲地牟嶠記學宮本在郡治北紹興間改作于其西
徐一夔記學在通越門內二百步而近肇建于紹興中
今之學基即紹興間所立無疑趙圖記方滋請徙肱所
置故處蓋嶠記舊基二字致訛惟廟學分合不常自西
拓東則歷元明嘉定十一年知軍府岳珂改建廟學未
而始定今制也

就十三年知軍府鄭定落成又闢西地建六齋袁燮為記紹

定二年知軍府莫叔益重建觀頤堂黃夢高記凡學校

觀頤有堂獨樛李為然合異而不同不相淆亂此意善矣然地本巖廩常居溼蒸屋老而欹勢且覆壓移食于齋眾謂非宜余視事數月亟請于郡侯莫叔益得錢五十萬撤而新之工徒既畢舊觀復還填然鼓聲少長咸集升降坐起禮儀肅莊乃歌曰厦屋崇成昔陋今盈匪伊我居言依于仁齋廚有食昔枵今實匪飽我粒言飽于

德余聞而進之日侯之養士厚矣士亦知所以自養乎觀頤則易自求口實則難觀頤觀其所養也口實觀其自養也二寶祐丁巳守臣謝堂案作瑩者非闢大門于廟西

疏潢池建泮橋勅明德堂于西改觀頤堂于東張鎮元為記

至元丙戌分教陳紹在里人徐碩請撤學新之學前有

井覆亭其上以育德名悉脩浚之舊有八齋曰上達立

道思誠體仁教睦改正連茹改養輔德朋來講堂舊名

正禮至元志案三十一年甲午大德三年總管府事

辛仲實案作寶者非重建廟學傅光龍為記十一年教授孔照學

正趙由僑學錄沈德華復葺之柳志牟嶠記考之郡

隘弗稱紹興間改作于其西屋凡百三十餘楹規模宏傑費悉郡出不以累學也越更多故嗣而葺之者往往

學任其費則儒戶之科抑生員之停供勢不能免失初
意矣孔君之至嚴課講增廩給以勵諸生按田蕩禁豪
奪以歸侵疆諸事略舉乃議脩泮白之郡郡侯以下皆
樂從于是上兩旁風費良夥亟命直學方應龍趙良盛
王子正會計用度募匠庀徒分董其役而學正趙由儁
學錄沈德華左右叶贊焉遂盡撤舊葺更覆之棖栴椳
闌之病撓者易以堅壯丹碧黝聖之漫漶者加以煥飾
起丙午季秋畢丁未仲春殿庭門廡入齋小學講堂頤
堂以及他屋靡一不新過者色然改觀皆曰吾教授孔
君之為也他屋靡一不新過者色然改觀皆曰吾教授孔
不肯碌碌從俗苟安而其能又足以達其所欲為故不
科抑不停供數月而成克有盛譽如此抑予聞夫子之
道在六經學在論語而其傳在曾子也夫婦兄弟朋友也世
所以教人亦惟曰君臣也父子也夫婦兄弟朋友也世
之學者固知誦習其書然不安于因陋就簡則失于陵
節躡等不溺于記覽詞章則流于異端邪說未習相承
微言幾熄繼自今朝夕勉懋相與玩味講論由延祐戊
伊洛而溯洙泗孔君崇學之意也不亦偉歟

午總管徐傑重脩廟學創禮亭及櫺星門
吳志 陳至 良弼為記

順二年達魯花赤八扎建大成殿門廡張采為記至正六年

總管禿堅董阿良臣更櫺星門以石創路學正錄廳吳志

為明倫堂趙圖記 徐一夔記 嘉興之學在通越門內

模隘陋弗稱先時守臣亦欲斥而大之而其地南臨廣
衢西北委巷惟東面寬敞而多民廬且鄰于執政婁氏
里第既入國朝婁氏雖微而民廬猶集故自宋季以
迄于今莫克改作至正二十二年三月淮南行省郎中
陳公來守茲郡適丁兵燹而向者民廬集之地悉皆
為墟公與教授孫某相度面勢慨然以興學為己任乃
勸民以地售于學其不願售者聽以民所便他學地易
之得地南北四十二丈有奇東西視南北則不及四之
一遂約學計之入鳩材庀工先作講堂五間左右翼以
夾室揭層軒以廣前榮堂崇三丈六尺廣三倍于崇深
視廣三之二煥以丹碧塗以黝堊中設講經之座以重
都授堂舊名正禮今以明倫易之次作東西步廊為間

善與序志 卷八 學校一 四

各十有二以趨堂廡步廊之內為齋廬四西日成德日
養正東日致道日時敏齋各為屋四楹做以前軒次又
為屋九楹而門術中關其外則鑿地為池架梁以達兩
廡之間立重門于外而繚以周垣茲學至是始克大備
斯役也克承公意先事趨辦者嘉興縣尹石某而董治
其事規材量費則學正朱某府吏陳某顧某也公不問
風雨日一至學凡一木石之惡一工匠之怠審視程督
不啻若治家事故其成不日也時一夔僑居嘉興之野
越七月迄工明年四月一日也時一夔固辭不獲乃作
承公致幣俾助教諸生且屬之記一夔固辭不獲乃作
而言曰學校之設國家風化之機任焉非細故也嘗竊
聞之初國家起自朔漠以威武立國未遑學校之事中
統至元之際天下大定許文正公衡用儒術為輔相凡
其謀謨皆經國大計至于學校使皇子尤切切言之其言
自國都以及州縣皆設學校使皇子尤切切言之其言
從事日明君臣父子之道自灑掃應對以至治國平天
下遲以十年則上知所以御下下知所以事上而上下
親睦此誠不可拔之論然當是時國家肇建而州縣尚
多苟且延祐更化上深厭吏蠹赫然欲剷去之顧學校
難須成于月日斷以科目取士蓋將朝用其人而夕收

其效也大抵天下之勢此急則彼緩則夫夫上之人以是
求之哉由是學校之設始若冠之有旒履之有絢姑具
人文而已當國者以提調則付之守令以勉勵則付之
風憲曰有任之者矣而受其任者既不肯出于儒術而
錢穀詞訟又從而奪之幾何不視為迂闊之務月更朔
敷陳一過已則掉臂而去如是以為故事而欲學校有
成如文正所云其可得乎循習之久卒至人紀廢壞寇
賊姦宄以迄于今弗振者職此由也嘉興自唐季以郡
置土田民物不劣他郡惟學隘陋有乖具瞻三百餘年
于茲公之來守值時艱虞顧以學校之廢莫甚于今日
思欲振而起之難以時詘舉羸為口遂出獨見大作茲
學使廟既克全其尊而學之方位嚴正規模廓大締構
堅密又悉冠乎東南之庠序嗚呼此豈徒資觀美也哉
誠以受國家一郡之託所繫者重是用崇茲閱耀之居
使凡學者耳目不蔽于凡近則志氣清明志氣清明則
念慮之所存精誠之所至沈潛乎詩書六藝之府須以
悠久造詣精切踐履之所至修于其家而知事親長口
于其國而知尊君親上師成風孝弟忠信之道立狠
戾悖逆之習變而敎道成矣雖然陸宣公郡之先哲也
學校一

其言曰吾上不負天子下不負所學繼自今嘉興之士甯無不負所學如宣公者出乎我知自公之為郡凡為郡者來取法矣不然此三百餘年隘陋之學也公胡為于難為之時為之不疑哉初公與其兄今甘肅行省參政俱以科目自奮參政既以大對魁天下敷歷省臺讜言直道為時名臣公亦首薦于鄉會朝廷輟科稍起從部使者辟暨參佐大藩出其奇謀碩畫克濟王事及為郡取其尤病民者力言于上罷之曾未期月政用大敷興學特其一也學始奠址工墾土得錢一窖遂用以相役人謂茲學之興蓋不偶然云公名宗義字子方參政名祖仁字子山河南人至正二十三年

明洪武二十七年參議李文華重

脩明倫堂于廟後即宋明德堂舊址有軒廊四齋宣德間巡撫大理卿胡榘重修殿閣廊廡講堂移饌堂居東即宋觀頤堂舊基建四齋正統二年知府黃懋以學逼廟後廣購東北地十五畝即古曹刺史捨建慈恩寺故址移建明倫堂

為後堂日思東西為四齋號房饌堂射圃柳志陳循

九月九日嘉興府儒學重建明倫堂成其經始蓋八年四月二十日學故有是堂在先聖廟之良隅洪武二十七年有用堪輿家言堂向利位與廟直乃移置廟後尊經閣之北然閣高而堂卑幾半相距之地空不數尺堂之中雖晴明如晝晦時處者恒以為患莫有能易之者正統二年真定黃侯子勉來守是郡周覽之餘欲作學以恤所患會連歲歉弗果改作越數年因得民售隙地十有五畝于庠垣之外而歲又稍豐適工部侍郎廬陵周公以巡撫至侯以言公欣然主之遂構堂前後各五楹前為明倫後扁思樂明倫翼以夾室東西為廊各十二楹廊之內為四齋兩廊之南為室七楹而門其中之三會食有所棲徒有舍以楹計者幾十有幾壯偉宏耀蓋數倍于前矣工之興也市地與材僦人之雖多而人以為費且勞既成師生德公與侯之惠不可使長相與其實走京師請為記刻石且俾相繼游於此者皆知其所自也自三代之學建而明人倫之教行于世遠矣我國家循用此道尤篤故學之建以明倫名其講習之所公

與侯欲改作而不能自己者良有以也。使凡居是堂者能務其所以教且學，究心聖賢之言約而有之于己，舉而措之于事，斯為不孤。不然，不獨為孤，改作者之心而于國家建學明倫之意，不亦大有負耶？
景泰七年，年僉事鄺彥譽知府延祥脩葺并脩補祭器樂器。章璠記

成化十八年後，守徐霖脩四齋兩廡饌堂及廚，展射圃。

地廣號舍，撤文昌祠于思樂堂左，又建鄉賢祠。柳志

霖為通判陳寶廣門外地，護以石欄壘石湖濱。趙圖宏記

治初，郡守柳玟重整思樂諸堂。袁志七年，知府佟珍重建

明倫堂及思樂堂。吳志正德十四年，提學副使劉

瑞知府徐盈等脩學。王贊為記嘉靖六年，知府蕭世賢重脩

廟學。鍾梁為記嘉靖中建敬一亭於思樂堂東，其西為啟聖

祠。二十七年，知府趙瀛重脩廟學及青雲樓。趙圖鄉賢

名宦祠。吳志萬曆初年，案碑四知府李椽重脩廟學。吳志

為記十一年，知府龔勉重脩。嚴從簡為記二十四年，知府曹代

蕭重脩。陸光祖記三十年，兵備道車大任脩明倫堂。朱國祚

興府儒學記：嘉興郡學改建自有宋紹興入國朝而地加闢，制加備，第延袤廣斥，其中崇宮大榭，風雨剝蝕，亦易嘗稽往牒，自正統迄今，若元氏黃公陽城、楊公金谿、徐公遼陽、佟公三原、趙公豐城、李公錫山、龔公莒州、曹公相繼脩葺，雖工力異，齊總之崇先聖，育英賢，為國家隆教化，意良切至。夫二千石身任師帥，視學校不啻家塾，視青衿奚殊子弟？經營培造，責不容追耳。若監司而以興學為己責，前無千古實我春，涵車公始公自辛丑歲，捧璽書來蒞吾郡，甫兩載，士民胥愜，計公當久任，覆露無窮，迺銓司合公前守閩，歷履謂資望宜敘，遷而中丞劉公重念東南特疏，請得報可。公遂為西浙兵備，觀察仍駐節，檇李焉。歲癸卯，郡學圯，維時二千石闕且迫。

于財用未暇議葺公獨慨然曰安聖靈育人才務孰與
 急余雖稅駕郡事尚蒞茲土奈何以越俎辭爰檢橐中
 俸餘付之兩縣尉鳩工庀材自外坊表緝楔欄楯及內
 殿廡堂舍悉更隘而做易腐而堅丹雘一新煥然觀美
 至沿河隄塹則採登固完視昔有加蓋自杪秋經始訖
 作于冬仲適直指使按部至諸縫掖雍容揖讓于明所
 甯國徵董應庚暨門弟子倪廷楨王一段逢吉應明德
 謀所以勒石揚休者余惟以我夫子道德同天地為萬
 世師華夏蠻貊罔不率俾矧今聖明在御三紀于茲久
 道化成人文休鬯橋李為三吳名郡雲蒸霧變之士濟
 濟後先而郡庠穎發尤甲旁校非涵濡聖澤沐浴菁莪
 疇克臻此顯多士不虞其拙于文虞其文之入于巧也
 不虞其塞于過虞其遇而塞之變也公倦倦宮牆作興
 士類意所期待詎止以雕龍繡虎掇拾青紫已耶大都
 游聖域者先聖功欲遠施者豫厚養惟茲絃誦其中者
 日漸月剏沈潛義理以會諸心動比禮樂以飭其體敦
 尚孝弟以立其基言有宇行有坊他日應時而出為臯
 夔為周召為吉甫方叔使天下稱嘉人士實冠絕寓內
 庶教育之地有光而車公造士美意為不負矣諸友勉

乎哉車公守茲郡以循良著稱今建口茲郡疆圍甯謐
 其經文緯武之烈不能殫述惟志公加惠特典垂不朽
 云公名大任號春涵楚之邵陽人若本府同知熊秉衡
 通判傅之任林應奎尹紹臯推官曹光德知縣鄭振先
 陳于廷先後籌畫克襄盛事得並書之
 三十九年知府吳國仕重脩明倫
 堂沈思孝朱國祚為記崇禎十三年訓導吳祖穆脩啟聖祠

國朝順治十三年知府史載脩大成殿兩廡啟聖祠櫺星儀

戟諸門袁志譚貞默為記又史載有記康熙十六年知府盧崇興教

諭姜廷樸重建明倫堂啟聖祠袁志張天植為序十七

年訓導范光燮重建饌堂更名希聖即舊觀頤堂萬歷

中教授魏浣初葺為養賢堂廢址改講堂顏今名吳志陳

錫嘏范光燮為記劉琨張天植王庭杜臻范光燮為序二十四年建文昌閣于學

之東范光五十五年知府吳永芳重脩大成殿兩廡櫺

星門次年新啟聖祠移名宦鄉賢祠于戟門西重建文

昌閣吳志五十八年郡人鄒天嘉重修啟聖祠自

記 雍正十二年知府盧承綸重脩明倫堂乾隆四年浙

江巡撫盧焯重脩廟學盧焯記今 上御極之

文廟易蓋黃瓦重道崇儒亘古未有一時山區澤

國荒微退陬學校之地蒸蒸向風靡不振起猗歟盛哉

是年焯膺簡命自閩移浙浙中文教之隆于斯

廢墜竊願觀厥成焉邇以禮而淑以樂而黨庠術序偶有

公所守之邦我父廷尉公亦嘗分刺于是予小子何幸

于我祖我父繼治之區又承乏于是則 聖朝優渥

之恩于我家為獨厚而我家一至再至三至在是邦為

奇 君親之感彌深忠孝之思何已乃入 聖

人之居登明倫之堂方伯公手書聖經在焉廷尉公手

書柱聯亦在焉而宮牆堂廡間則漸就傾頽矣爰出俸

金命有司董其役而一時邦之紳士亦皆踴躍襄事不

數月而觀成是歲也幸天無愆伏之災地無旱潦之患

人有豐穰之慶得天之時因地之利用人之和故民不

勞而事舉時不曠而工完觀成之日邦之人咸相賀于

是博士弟子相率詣太守之庭而言曰美哉復觀此輪

奐也不遇歲稔人和烏能速成願一言以記之太守轉

白于余余曰嘻歲稔人和 天子之聖也我民之

幸也詎余實是為且是役也敬紹我祖父之緒以宣揚

願為爾多士言者而亦不必別為爾多士言即我祖所

書聖經一章是也夫士不外乎行與文耳八條目所云

格物致知即學文之事誠意正心脩身即敦行之功以

此齊家為孝子為悌弟為慈父義夫信友以此治國平

勉乎哉遂不辭而記之以附我
祖父手書之後乾隆己未季冬
三十二年知府馮章宿

重脩三十九年紳士重脩鄉賢祠
范永澄為記四十年郡人

吳高增以石刊聖賢像贊
三十版寅諸殿廡四十七年紳

士捐修大成殿重建兩廡及儀門禮亭櫺星門甃石路

並壘石岸五十四年鹽道盧崧命工綵繪大成殿重修

名宦祠明倫堂嘉慶四年知府伊湯安重修明倫堂及

兩翼儀門學門崇聖祠門圍以長垣設東西柵門嚴啟

閉禁營馬闌入焉
伊志十三年知府李賡芸重修明倫堂

道光十五年知府瑞元率郡紳沈維鑄倪濂范基陳宗

柏等大修廟學陳宗柏萬福捐建騰蛟起鳳二橋
黃安濤記

凡勵時習務時敏戒時過知我
夫子微諸訓典

萬世則知萬世之所以立廟崇奉而罔或廢闕者非時
曷由謹稽我郡之有學也創始於唐移建於宋嗣後展

拓增修歷元明以至國朝碑版志乘釐然可考長
白棟鄂公名瑞元滿洲正黃旗人道光辛巳舉順天鄉

試癸巳之夏以刑部郎中來守我郡下車展謁見殿宇
凋毀垣墉傾侈朔望函香將事遇陰雨則房舍滲漏東

席就燥以避霑淫周察顧視蹙然以歛蓋自前守伊公
湯安於嘉慶四年重修明倫堂距今將及三紀而大成

殿各工建於元至順二年者寢積五百餘載凋毀缺侈
宜若此矣公亟思嗣修願又默念頻年水潦民力凋敝

殆未可也越兩歲乙未年穀既登政成務簡公則瞿然
日際 右文之世膺導民之職崇明祀而惇教典修

廢飾闕其在斯時乎由是檄屬縣相助為理以懿德之好
議惟允乃捐廉以倡下檄屬縣相助為理以懿德之好

鼓士民以有恒之財資經費凡讀公條教罔不踴躍咸
欣徒僦功指委監逮若疾風之靡草焉爰審度日力

申四月祗敬歲事闕宮霞蔚正殿岑立莫設之地肅祠

庭之閑固重構復建四顧交葺視前此之稍稍補苴尺
版尺築正傾支摧者工費何啻倍蓰是役也初以工鉅
用宏衆有拾藩之慮及是青衿黃髮奔走皆來樂觀厥
成而公始焉蹙然瞿然之思斯慰矣夫爲國家者於可
以捍牧圉衛民生隆祈報而肅觀瞻者有舉莫廢況化
民成俗莫善於學聖域儒門豈宜堙墜微文翁則蜀學
不崇公之所爲急先務哉然而先時則躁躁則民不樂
從後時則怠怠則功不易集當可之謂時公其有焉繼
自今克守舊典或謀儲侍贏財蓄貲爲綢繆計無俟損
剝用資歲修此即時習之義也或十年或二十年易舊
增新無俾大壞此即時敏之義也若乃遷延玩愒坐視
頽圯積久荒墜繕完益艱此即時過後學勤苦難成之
義也昔昌黎韓子爲處州刺史李繁作孔廟碑記謂後
之君子無廢成美不大可惕然兢懼哉工旣竣公猥及
庸愚屬之論撰時安濤以部民塵忝書院講席目觀盛
舉於公經理始末與聞最詳讓不獲已粵惟夫子
道大德隆游夏難言何敢鋪飾毫末若夫宮庭考室之
制力役匠費之數具在尺籍茲不備書竊從梓人巧者
後有見於時義之大比附而引伸之謹志歲月塞誣諉
而申歡躍用詒來者云爾 案是役十五年八月開工

各董事分任工程于十六年四月告竣共捐銀二萬一
千三百有奇咨 部題請議敘奉 旨依議 于十七

同治三年知府許瑤光重脩

廟制 今爲大成殿前露臺東西爲兩廡前戟門左爲齋

宿所 側門 前櫺星門前屏牆護以石欄 順治二年定

府州縣歲以春秋仲月上丁日祭

先師於頴宮以正官將事佐貳分獻監禮以師儒贊引執事
以生員將事之儀均如

太學丁祭禮如遇有事改次丁或下丁順治十四年議准
致祭祝文稱

至聖先師孔子 大清 康熙二十四年恭懸

聖祖仁皇帝御書萬世師表匾額於殿二十八年頒

御書

孔子贊並顏曾思孟四子贊恭摹勒石雍正五年恭懸

世宗憲皇帝御書生民未有匾額乾隆三年恭懸

高宗純皇帝御書與天地參匾額嘉慶五年恭懸

仁宗睿皇帝御書聖集大成匾額二十五年恭懸

宣宗成皇帝御書聖協時中匾額咸豐元年恭懸

文宗顯皇帝御書德齊疇載匾額同治三年恭懸

穆宗毅皇帝御書聖神天縱匾額光緒 年恭懸

御書 匾額于殿 各縣同

釋奠禮 府州縣均同以四配十二哲侑饗殿中以先賢

先儒從祀兩廡 四配復聖顏子 述聖子思子東位

西嚮 宗聖曾子 亞聖孟子西位東嚮 東序先賢

閔子損 冉子雍 端木子賜 仲子由 卜子商

有子若 西序先賢冉子耕 宰子子 冉子求 言

子偃 顓孫子師 朱子熹位均東西嚮 東廡先賢

公孫僑 咸豐七年從祀 林放 原憲 南宮适 商瞿 漆雕

問 司馬耕 梁鱣 冉孺 伯虔 冉季 漆雕徒

父 漆雕哆 公西赤 任不齊 公良孺 公肩定

鄭單 罕父黑 榮旂 左人郢 鄭國 原亢

廉潔 叔仲會 公西輿如 邾吳 陳亢 琴張

步叔乘 秦非 顏噲 顏何 縣亶 牧皮 樂正

克 萬章 周敦頤 程顥 邵雍位西嚮 西廡先

賢蘧瑗 澹臺滅明 宓不齊 公冶長 公哲哀

高柴 樊須 商澤 巫馬施 顏辛 曹卹 公孫

龍 秦商 顏高 壤駟赤 石作蜀 公夏首 后

處 奚容蒧 顏祖 句井疆 秦祖 縣成 公祖

句茲 燕伋 樂欬 狄黑 孔忠 公西蒧 顏之

僕 施之常 申棖 左邱明 秦冉 公明儀 成豐三年

從祀 公都子 公孫丑 張載 程頤位東嚮 東廡先

儒公羊高 伏勝 毛亨 同治二年從祀 孔安國 后蒼 許

慎 光緒二年從祀 鄭康成 范甯 陸贄 道光五年從祀 范仲淹 歐

陽修 司馬光 謝良佐 道光二十年從祀 羅從彥 李綱

咸豐元年從祀 張栻 陸九淵 陳淳 真德秀 何基 文

天祥 道光二十年從祀 趙復 金履祥 陳澧 方孝孺 同治二年

從祀 薛瑄 胡居仁 羅欽順 呂柟 同治二年從祀 劉宗周

孫奇逢 道光八年從祀 張履祥 同治十一年從祀 陸隴其 西廡先儒

穀梁赤 高堂生 董仲舒 劉德 光緒三年從祀 毛萇 杜

子春 諸葛亮 王通 韓愈 胡瑗 韓琦 咸豐二年從祀

楊時 尹焞 胡安國 李侗 呂祖謙 袁燮 同治七年

從祀黃幹 蔡沈 魏了翁 王柏 陸秀夫 咸豐九年從祀 許

衡 吳澄 許謙 曹端 咸豐十年從祀 陳獻章 蔡清 王

守仁 呂坤 道光六年從祀 黃道周 道光五年從祀 陸世儀 光緒二年從祀 湯

斌位均東西嚮 案兩廡從祀謹遵同治年間部頒新定

大清通禮所未載今備書其年分以資稽考

正位前 制帛一 色白 牛一 羊一 豕一 登一 實以太羹 釧二 實以

和簋二 實以黍稷 簋二 實以稻粱 籩十 實以形鹽藁魚棗栗榛 豆

十 實以韭菹醢笋菹魚醢脾析豚拍 尊一 爵三 鑪一 鐙二

四配位 各制帛一 色白 羊一 豕一 釧二 簋二 籩二 實並同上

籩八 實以形鹽藁魚棗栗榛菱芡鹿脯白餅黑餅 豆八 實以韭菹醢笋菹魚醢 爵

三鑪一 鐙二 東西各尊一 四案同

十二哲從位 各制帛一 釧一 同上 籩一 實以黍 簋一 實以稷

籩四 實以形鹽藁魚棗栗榛 豆四 實以菁菹鹿醢芹菹兔醢 爵二 東西各羊一 豕

一尊一鑪一鐙二

兩廡從位 每位爵一 每案簋籩各一 籩豆各四 東西

各羊一 豕三 尊三 統設香案二 每案制帛一 爵三 鑪一

鐙二 牲載於俎 帛正位四配異篚十二 哲東西共篚

尊實酒疏布鬯勺具

樂器 麾一 編鐘編磬各十 有六 琴六 瑟四 排簫二 簫

邃笙各六 壎二 篪四 建鼓一 搏拊二 祝敔各一 木笏六

設於階下 樂律中和韶樂春以夾鐘為宮秋以南呂

為宮 樂章六奏迎神奏昭平奠帛初獻宣平亞獻秩

平終獻敘平徹饌懿平送神德平

佾舞 六佾三獻均文舞 舞器引舞以旌節左右各

一文德之舞以羽籥各三十有六

崇聖祠 在殿後東北隅明嘉靖九年敕建啟聖祠

吳志

國朝雍正元年奉

上諭議準易啟聖祠為崇聖祠

浙江通志

歲春秋仲月上丁同日致

祭中設

肇聖王木金父左

裕聖王祈父右

詒聖王防叔左次

昌聖王伯夏右次

啟聖王叔梁紇位皆南嚮祠內配饗先賢孔孟皮

咸豐六年配饗顏

無繇 孔鯉東位西嚮 曾點 孟孫激西位東嚮

兩廡從祀先儒東廡周輔 程珦 蔡元定 西廡張

迪 朱松位均東西嚮

正位前各帛一羊一豕一釧二簠簋各二遵豆各八爵

三尊一鑪一鐙二 四配位各帛一簠簋各一遵豆各

四爵三東西各羊一豕一尊一鑪一鐙二 兩廡從位

東二案西一案均簠簋各一邊豆各四每位爵一東西各帛一羊一豕一尊一鑪一鐙二俎篚纂勺具

庫貯禮樂祭器

元至元志宋沈揆有府學古鼎記見金

大似天地明並日月漢唐宋以來太學至郡邑通祀無問然必備禮樂之器實穀物和音聲以將吾報本之誠而後己我朝祀禮之備亘古莫及嘉興為浙西鉅邦其祭器為尤備爐瓶有漢制者宋制元制者最古則商鼎也簠簋壘爵鐘磬率多元制至琴瑟笙簫祝嘏墳簠之類靡不制度中法景泰丙子浙江僉憲鄺公彥譽行部至是啟庫鑰視器曰某器何若是之古某器何若是之新璠以國初守是邦者購器以奉祭祀其時所備多古歲久殘闕古者僅存十之六七有以補為名而易之者輒罹禍殃此天罰也公間而慨歎與郡守延公祥復脩祭器其高下廣狹并厚薄輕重各注于器目之下勒諸堅珉用垂永久焉案袁志列所存器曰銅登一

大銅爵三十五小銅爵八十六大銅花瓶五今增一

五 大鼎爐二 銅簠二十二 小銅簠二十九 銅犧尊

花瓶二 又銅花瓶一今增一 盥洗銅盆二 銅開口

龍頭一 鐵龍頭一 銅光鐘九 銅花 康熙三十九

鐘十二 小銅鐘一 鐵鐘一 石磬二

年知府佟賦偉復補製禮樂祭器肆選樂舞杜臻為記

列目 琴六 瑟四 鐘架一 楹鼓一 簫六 笛

六 笙六 鳳簫二 搏拊二 銅磬十六 祝啟一

二 項二 篪二 節 五十七年巡撫朱軾檄脩樂器令

樂舞生執事六十年知府吳永芳增置祭器銅銅二十

爵十 小銅爵二十六 銅簠 咸豐間悉毀失無存今

二十七 銅簋二十 伊志

陸續重製尙未齊備

學制 今為明倫堂前甬道東翼齋西翼廊前泮宮門前

頴池前二門前頭門 順治九年春

欽依卧碑文恭刊于學康熙二十三年奉頒

御製學校論四十一年奉

御製訓飭士子文恭錄刊碑雍正四年九月二十九日奉

上諭一道七年正月二十七日又奉

上諭一道彙刊頒 貯于學乾隆五年奉

上諭一道十三年敬 刊勒石四十四年八月十六日奉

旨欽頒

世宗憲皇帝訓飭士子文於各省學宮恭錄刊石各縣同

學額 府學二十五名大縣視府學嘉善 海平惟石桐二縣

視次縣大學各二十名會典則例咸豐同治間各縣士民捐

輸軍餉歷奉

恩旨除暫廣無定額外加廣永遠學額府學十名嘉興九名秀

水十名嘉善七名海鹽五名平湖十名石門四名桐鄉

五名恭遇

恩詔之年廣額名數均視府學案現在定額府學三十五名嘉

善二十二名海鹽三十名平湖三十名秀水三十五名嘉

五名石門二十四名桐鄉二十五名廩膳生員府學四

十名縣學二十名按政全書增廣生同拔貢生十二年一

舉案會典則例雍正五年奉 諭著十二年一舉定為例府學

二人縣學各一人副貢生以鄉試副榜準作貢生歲貢

生府學歲貢一人縣學二歲一人

案會典則例順治中歲貢俱起送投部候

試康熙二十六年覆準槩免來京願入監肄業者送部劄監

恩貢生遇

覃恩以正貢作恩貢以次貢作正貢優貢生歲科試竣擇其

尤者送部考試廩增準作貢生附學及武生準作監生

會典則例

案同治二年七月禮部議覆官文等奏請

優貢特加擢用一摺自甲子科為始優貢

二等者以知縣教職二項請

旨錄用等因奉

旨依議凡武生武童三年一

試府學取二十名各縣學十有五名

大清會典

現奉加廣

永額府學十名嘉興九名秀水十名嘉善七名海鹽五

名平湖十名石門四名桐鄉五名嘉慶四年禮部議覆

湖南布政使通恩條奏各省駐防准其就近考試歲科

應試童生五六名取進一名乍浦駐防旗籍于府考時

一併考試錄送學政取入府學

伊道

道光二十三年禮部

咨行各省駐防文童專考繙譯概令停止歲科應試二

十四年兵部咨行駐防歲試武童循舊錄取

案乍浦駐防歲試武

童現因暫駐杭州歸杭州府考試俟乍防復設後再照舊章辦理

尊經閣

宋崇甯元年建六經閣建炎兵火知州程俱移

于州治東偏

柳志

淳熙四年知州呂正已建御書閣于書

庫基上

至元志

端平二年知軍府趙與憲建于禮殿後

柳志

元至元丙戌分教陳紹在改名尊經閣上儲經籍下奉

先聖燕居像旁祀十先生焉

至元志

後至元五年總

管和元昇重脩

柳志脩之矣張采記學舊有閣至元丙戌嘗

和侯元昇守是郡之三年寬厚廉平知教之本謂脩葺

之費閣最鉅乃督學之通租為錢萬五千緡而大脩之

役三月畢民不知也于是教授錫山強可仕行之始至

理豪占汰冗職節浮費以佐成之願有記采辭不獲乃

為之言曰陸宣公論諫數十百篇皆本仁義非六經所

自出歟近士潛庵輔先生受教于朱呂氏淵源之正操

守之篤諸經有解成書具存皆吾郡人也後學得無景

行哉閣之東婁氏有隙地若干欲售諸人以與學鄰遂

鬻于學謀遷宣公祠廣大小明成化初知府楊繼宗重

脩柳志十二年重建鵬子仲德

國初復加脩整康熙五十三年燬吳志

名宦祠 今在殿後西北隅歲春秋釋奠禮畢詣名宦鄉

賢忠義孝悌各祠致祭縣同 祀晉高史君吳越曹珪宋

柳植劉師道葉清臣洪皓趙士醫喬行簡吳柔勝黃灝

岳珂孫夢觀王介劉漢弼李宗勉趙景緯元杜浦劉貞

明呂文燧謝節李鑑劉觀趙豫夏原吉胡槩張恭戴昇

周忱黃懋楊繼宗陳琳李伸洪範伍文定徐盈蕭世賢

劉懋張任何源張綸張子仁張問達方揚湯日昭曹代

蕭曹光德朱邦喜鄭振先吳其貴吳國仕顧起鳳蔡懋

德潘洙李仕亨孫昌裔伊志郁綸張濂于志

國朝朱昌祚范承謨俱總督塞白理提督李之芳王國安王隲俱總督

督張衡道學趙申喬撫巡楊宗仁按察使李衛嵇曾筠俱總督

浙省通祀朱延慶李棲鳳上官鑑俱巡道顏光敏姜櫛俱

各縣同 學校一

政 嚴正矩彭舜齡丁仁定史載張作礪范光燮季舜有

盧崇興張思齊黃家遴陳大宏臧憲祖俱見吳志李鴻雷成

輔梁徽于志趙徽于志輝于志敷于志新增伊志按巡道以上考浙

註明某官知府以下府志有官師表可考不悉註嘉興秀水二縣均倚郭名宦鄉賢附不更置

鄉賢祠 今在名宦祠右 祀唐陸贄從祀東廡邱爲顧况陸

辰宋陳舜俞聞人宏朱敦儒趙汝愚婁機王希呂徐龜

年蔡闢陳塏常林李曾伯輔廣明鮑恂貝瓊金綱殷近

仁史仲彬程本立高遜志姚瑄沈澗呂原項忠沈琮劉

泰張甯姚綬屠勳包鼎呂憲姜學夔張敏劉瑋戴經朱

綬錢琦屠應填陶儼諸傅張徽王朴吳方鄭曉劉朮徐

贛孫軒陸邗屠應垓沈謐錢薇陶謨孫校包節包孝孫

植沈盤卜大同劉熠俞乾卜大有陸光祖周恂懋劉焮

姚宏謨卜大順錢同文盛周戴鳳翔陸相儒嚴從簡張

應治項篤壽卜相王俸沈元華沈英華馬如麟徐學周

李自華鄒國儒寶卿鄭履準金燿高文登郁本宗鍾天

才沈思孝沈懋孝陸萬垓許應遠鍾庚陽夏建寅黃洪

憲丁賓張正鵠洪烝徐焯徐應奎施乾馮夢禎屠叔方

黃正色朱廷益姚履道朱儒岳九德盛惟謙岳九臯張

應宿包世杰朱國祚岳元聲姚思仁孫光啟盛萬年吳

昌期鉏盛時黃承元項德禎吳宏濟陳一德顧態邱民

貴徐必達岳和聲陳懿典李日華賀燦然吳輔明陳德
 元沈孚先常高繼譚守範孫光裕譚昌言彭宗孟張奇
 齡毛尚忠陶朗先施鳳來陳繼徵陸鍵馬德禮馬德澍
 王體元胡維忠賀萬祚朱大啟李衷純曹大田沈元佐
 沈振龍金其相虞紹唐魏大中黃承吳金麗兼虞廷陞
 徐世溇金志孝陳萬言項夢原劉泓曹名卿錢周倪有
 觀竇文照曹憲來周履靖徐聞韶高遠屠存仁徐石麒
 錢嘉徵沈繩芳鉏用登沈耀辰馬嘉植徐柳臣吳洪珍
 徐肇森徐肇樑高道溇徐爾毅姚勉莊嚴虞相堯朱茂
 時吳鑄黃卯錫伊志姚以誠張履祥從祀劉耀于志

國朝莊日思王堦張萬壽沈翰如郁調元董士昌錢江王庭

杜蘅陸本莊鱗何其仁張維赤何元英孫來曾元良杜

崑曾王孫杜臻吳三錫吳源起趙隨高以永朱振虞兆

清沈瞻日沈廷麒沈廷勸沈璜沈廷文馬士嘯張瀾崔

上渙陳咎姚敬明姚宗豫姚宏賁嚴閻綸翟堯佐莊匏

陳士鑛伊志云吳志鄉賢二百三十八人外有嘉靖庚子

舉人號東沙主姓名無考未錄入案劉侍御同

春堂遺集及明海鹽仇志劉耀字元麗號東沙嘉靖庚

子舉人官至雲南道監察御史應補錄合二百三十五

人諸錦許椿馬浩于志沈維鑄吳昌壽新增俱嘉興

並捐田十二畝二分鴻達增捐修名宦鄉賢祠

小學 宋嘉定庚辰十三年教授吳杜於學東後廡之屋五

楹葺為小學

高熙績記古者學有等序教不陵節自書計誦舞以往所謂流水盈科草木區別截

截不可徑詣闕黨速成申戒明甚小學之設為是歟後世仕進階文藝且經傳子史浸多必于始學培其基本故訓子姪者有戒以潢潦無根勉以月閱一箱等語雖姿賦有利鈍惟穉齒易精通督授以時孰量所到然富實不齊範師殖學力有弗逮則以公庠代私塾其庶幾乎浙右密拱行郡學編隘創置無所糧儲之贏莫可資有志太息良由郡學編隘創置無所糧儲之贏莫可資焉嘉定庚辰鄉同年吳君杜分致初筵亟請于郡廣學宮而新之明年學成規圖宏壯迺東後廡之屋五楹葺為小學凡席用器略具其秋開補生員遴選職事二人俾主訓導同給于郡前駕部鄭侯定始之今戶部朱侯煥在樂繼焉學田舊為豪民及浮屠冒占始數百畝君極力歸復用儲朝暮課程詳于私塾規式做于上庠于是邦人翕然願以子弟入學誦絃洋洋一改革聽君之加意士子誠小大畢舉矣噫創學以淑童申師儒之功也遣子以就教養父兄之賢也循蹈規程進脩業履以無負于父兄師儒之訓其責獨不在爾子弟乎若乃挂名籍以尚觀美聚嬉戲而虧全功齒日以長後將噬臍是豈先生所望于爾者因書以為戒云

於廟之東生徒額三十日課月試長陞大學

案今址改餘併書院

射圃

在文廟西

浙江通志射圃於饌堂之東

正統九年知府黃懋為

徐霖展射圃地俱在學東至劉志云在殿西偏不述遷改與今合

學田

宋慶歷中始頒田

吳志陸口記

宋乾道五年賜田五頃

抑淳熙四年知州呂正已撥置麟瑞鄉柴蕩五百餘畝

尚朴記麟瑞鄉柴蕩秀學之舊物也淳熙四載顯謨呂公典是邦給佃於學以助都養計五百餘畝隸嘉興或樵或租所得尚薄越五六年地力日盛根苗滋益繁延袤數里葱蒨彌望為蘆而當錢之百者萬束而薪芻不與焉強有力者實租之不得而擅也收緡除三之一以輸賦去歲有旨鬻官產前守都大趙公以虞粟不繼將亡何狡謀發于不虞濟以黠胥舞權巧為伺卻當貳車

攝事復令官估畝錢七百貧民挾多貲志于必得增畝
錢三千三百一十有一今春朱輻易鎮迺變租為佃撓
法豪效若士子若走隸無一知者其詭闕如此逮索逋
始言售為己業即以其事列于郡于外臺都運直閣郎
中王公提舉秘丞黃公咸察其非傳檄沓至太守郎中
栗公徐為正之會兩年節費剔蠹糧用差有餘積規欲
葺齋廡補罅漏至是輟以償直為錢五十萬提舉頌公
帑二十萬來助倉使閱學校躉置謂非足用外有此寬
贖州郡合體朝廷優恤意既一時失行詎可與齊民爭
不復請尋召租視昔增三倍有奇歲如是利原無窮矣
初蕩之失也或勸之以為不必復或沮之以為不可復
或晒之以為不能復睥睨其勝負者相半予謂職有常
守不為物狗仕而行義不為勢詘苟見善不明用之不
剛切切然私慮卻顧次且怵縮為後日晉身避禍地不
惟有負於所學其有負于設官之意多矣吾知守吾職
行吾誼他深遑郵乎竟復之雖然蕩則吾蕩也固與學
俱存毋患再失而租入豐約則視人為高下亦惟後之
君子加意焉爾姑志始末
嘉定元年知軍府趙希道括
用垂不朽紹熙四年九月

閒田百七十畝歸學

吳志 秘書郎陸口記郡學自慶

癸卯凡再卜遷地於鹽倉故址藏脩之所蒸鹵卑澗而
衿佩于于日增歲入每以不繼病趙侯以秀邸孫襲分
封符明于先務甫下車訪學宮求所未備乃捐緡錢六
十萬米石五十俾慮材口障地之濕又括郡之閒田得
百七十畝以助廩廡嗚呼士必蓄于學而亨于時觀時
會通氣類不應鄉邦己事之驗方來而未艾夫固有相
之者本其所繇致而引之於無窮則非天之所能實人
之為也趙侯深長之思將以壽學校之脉而篤皇家之
慶則士之報上當何如郡博士陳君光遠孜孜勸率方
幸于得師矣自求口實不志于求其飽與安思無負其
所學責將誰歸與則夫相與扶翼以保其勿壞使風化
廩廡鄉鄒魯蓋士之命也侯之願也郡博士之職也
十二年教授蕭杞復學田
趙圖記 錢撫記 嘉禾 眠漢

與學稱歲入乃素嗇臺郡每捐羨賦以爲助檢核不恪
漁蠹交病比歲滋以削聞三山蕭君杞主教是邦至之
日喟然曰教吾職也而士慊一飽徒教不能以自行盍
思爲續食計舊田尙可考無多求益惟求其無所損直

學袁鎮學諭沈應時善計會遂命以簿正搜匿抉伏未
 易枚算其最甚則六和塔院冒據之田初院僧誘鶻冠
 顧氏取其田四百六畝虛立賤買券約己而夏姓民稱
 其家質田居十之一僧不律告之郡郡不私有悉沒以予學
 論僧受願氏田不如律告之郡郡不私有悉沒以予學
 僧屢訟屢屻特以贖田者非質田子孫有司僅給此田
 餘在學固無恙會郡博士踐更僧與胥為市乘罅去籍
 併己沒田掩而有之涉年二十閱橋官六七弗究弗圖
 稔偽成真至是隱狀始盡白乃疏于郡于臺中及漕叶
 心主盟詰胥之姦仍歸之學僧怙器又訟之部部亦坐
 僧非是僧遂誦乃合受田之數而歸其半向使潛墮僧
 計尺田且非我有也端自蕭君發之學之士德君甚以
 記屬予予雖繫官于朝回首洋芹則丁年弦誦之所也
 記其奚辭春秋之書歸田日歸我日來歸皆志喜也今
 茲田逃釋歸儒不以養游民而養秀民名正言順宜可
 書已雖然復田誠士之幸既足以養其口體必將以養
 其心志抑有復性之說一真之地萬善所根成之以學
 乃存其口情田易蕪學弗加耨外物放攘失所固有則
 汭李翱三篇之書進乎大易不遠之旨朝講夕誨俾為
 士者皆知所以復其性是猶有待于蕭君也獨復田云

平哉 案吳杜 咸淳五年知軍王畚齋置田四百六十
 另為記見吳志

六畝撥沒官田七畝提學常蒲谿助三十三畝 吳志
 方恢為

記 元大德甲辰教授沈天佑歸復田租 金吾 明萬曆二
 為記

十七年嘉興知縣鄭振先置義田五頃 張似良記姑蘇
 甯方伍公奉敕

督兩浙學政爰于造士之暇移檄各屬增置學田多方
 設宜揣楔務當會嘉邑鄭令廉得巨猾隱糧田如干分
 入三學府學得五頃總先是所存田計之約與公檄數
 相當公于是請得直指臺方公割前田例入查盤戒承
 永無相讓者澣滌滓窳列為左券具建置初終俾所司
 轄焉曰廩曰積曰佃泊畝塍血遂皆詳識之昔吳興學
 田顧臨為記曰積日佃泊畝塍血遂皆詳識之昔吳興學
 不費不窮蓋兼有焉伍創之而鄭成之者也不窮茲役也
 乏郡事屬在創與成之間固不慮惠之不敷而慮鉤進
 者以不窮而速其窮也主計之挾而要者以待給之士為
 因不窮而速其窮也主計之挾而要者以待給之士為
 易與而故屑越之則費猶胥之虎而冠者以待給之士為

為倚挈而故漁獵之則滋費黃緣請乞突梯迷陽濫竽
 幹辦轉相尤效而有時窮藉言公務那移借支強幹鬻
 權豎懦倖竇而亦有窮豐歎相掩完欠相蒙虛實逕糶
 對支影射搜括媒餌以澤饘橐而費且不貲而窮且立
 盡嗟乎折柳樊圃狂夫瞿瞿知有法也今學使者法具
 在從事而才其以惠養實政愬愬奉行勤宣裨助即以
 當文翁儒奚遜至諸士或秦與周惟所自待瑩而冰玉
 飭而簞簋令他日釋屣而程舊闕大都推勞苦空乏中
 人諸士當新舊學田共一千二十畝六分九釐劉志云
 必有勗焉共徵租
 米六百一十三石七斗九升內除楊公祭祀米三十石
 外實該米五百八十三石七斗九升又租銀一百四十
 一兩四錢四分七釐六毫八絲內除辦糧外實剩銀米
 申明動支案袁吳伊志田數相符咸豐間粵匪之擾
 冊籍蕩然現在節次清查尚有坐
 落秀邑田三百畝無着詳明在案

教授署

在舊青雲樓南

袁志

今二門外東南隅乾隆九年

教授沈廷標重脩六十年教授錢廷謨請借俸脩重整

樹人堂左為書室後為六息堂左折為寢室堂之前為

集鳳門西嚮為頭門榜曰桃李門

伊志

嘉慶十二年教授

車宸英脩葺道光十四年教授張光燾重脩

于咸豐間

燬同治十三年教授嚴嘉榮請款重建

訓導署

在明倫堂之東南泮宮門之左即古饌堂址明

曾闢為養賢堂今榜門曰古養賢地改堂曰希聖康熙

中訓導范光燮建

袁志

陳錫嘏為記

乾隆三十三年訓導張洪

圖重脩四十五年崔楸雋脩之六十年訓導倪紹岳請

借俸脩葺堂右為書室又于後堂左偏添建屋四楹兩

翼耳房後有圃

伊志

嘉慶十八年訓導車雲鵬脩葺道光

十四年訓導孫頤重脩于咸豐末燬未建權駐齋房

宣公書院 舊在錄事司之東城南鴛鴦湖上有三賢堂

公居其一宋郡侯黃大卿始為立祠案宋淳熙志云故祠于學宮四年以

舊泰益公廢祠為之趙公與憲嘗撥田土建堂未遂景

定壬戎郡守謝奔燾構堂繼廩率諸生祭菜焉案嘉興湯志紹

定中通判陳垣建祠于柳氏園至元丙子以太初堂為

書院里人徐碩經營完美堂曰仁義之堂紫微史大參

書宣公書院額亦其筆也至元至正十五年總管劉貞

復建于柳氏園嘉興湯志劉基陸宣公書院碑銘士

之趨嚮蓋其智足以識事機其誠足以動人心故能出

入危邦扶持庸君寵之而不阿違之而弗對知有國而

不知有其身若是真可謂大臣哉孔子稱大臣以道事

君不可則止其或先蒙君之知而期盡心以報効知禍

而不避知難而不止若唐陸宣公者其去就雖殊其揆

一也孔子曰篤信好學守死善道宣公以之吾嘗怪唐

德宗以猜防小智行多慾之私信讓邪如心膂視貨賄

為性命臨患難則姑息一施處安佚則嫌疑百出以致

藩臣叛命士卒離心播遷困阨而卒不亡及觀唐史稱

其出居艱阻之時謀猷參決一出于公又稱奉天所下

詔書武夫悍卒無不流涕多公所為然後知其得人

扶持也昔者隨有季良不滅于楚衛成公有甯武子不

死於晉無競維人不然殆哉况公之言德宗不盡用也

而僅用其一二猶足以轉危為安易敗為功使其能舉

國以聽公周宣漢光不難繼矣惜乎其中信用羣小而

棄公也公沒而奏議行於天下今天下言時務論政事

者莫不宗之然則公之志雖暫屈于一時而終伸于萬

之歲書院燎於兵而公像故存眾白郡迎致于太初堂
因以堂為書院大德九年濟南趙曾為山長病其簡陋
始改作之其詳見于牟公巖之記自是城東故址遂廢
為墟泰定中有僧賄學官請佃而建庵焉後至元二年
庵災地復于書院是歲六月其僧復賄有司荆庵如故
山長雖爭之弗能得也至正十四年宣徽院海岱劉公
貞受節為嘉興路總管至則首治學校之闕顧書院陋
且朽欲新之而址隘弗稱乃用推官方君道壑言命有
司督其僧撤庵歸地復建書院其中為先聖廟兩廡儀
門東西禮亭櫺星之門具焉其西為宣公之祠祠西為
室東鄉以祀郡之先賢其外為三門廟東為講堂其前
軒仍舊扁曰仁義之堂以藏宣公奏議謂其言皆仁義
也西齋以延師教弟子又增置蕩田若干畝以益廩膳
庖廚倉溷各得其所將成而公改除海道萬戶於是
屬之方君方君力贊成之經始于至正十四年四月竣
事於十五年二月董其役者嘉興縣丞善慶路吏施淵
顧選及前山長王珉任奔走者直學張唯仁學吏沈雋
也既成使請記於劉基惟孔子明王道以教萬世宣公
學孔子者也故其術業一本之道昔人以宣公祠為書
院有以也夫劉公用方君言撤浮圖以復書院可謂能

闢異端植正道者有功于世教矣於是因序而銘之日
孔子大聖不遇于時既沒之後為萬世師宣公大賢忠
而見疑降及異代人以為規有德無位用無所施用而
弗信惟禍之隨詭遇有獲君子弗為身黜道光雖止弗
隳邦守孔良百廢咸支爰崇其宮又嚴乃祠俾民觀者
式是令儀勿替後人尚永無虧至正十五年三月望日
廢燬後從祀路學同知繆思恭再建於太初堂 周伯琦
重建宣

公書院記國家遵用舊典凡天下郡邑皆置廟學以祀
以教其所在先正學行德望可以軌範百世者又為書
院如學制而專祠之擬於先師所以崇德表行而敦化
勵俗也其慮至矣浙右之郡日嘉興者古之樛李吳之
屬境也唐相陸宣公贊敬與實生於茲焉宣公之問學
行業具在史冊其文章議論有成集家誦而戶習之以
為矜式蓋千百世一人而已宋建炎初程守俱于郡治
東駕湖之上作宣公書院繪像而祠之中廢紹定中陳
倅墳暨寓公共置柳氏園以建祠堂景定癸亥始以祠
堂為書院咸淳甲戌郡守余安裕作 先聖禮殿於
書院之左至元丙子元有江南悉燬于兵士人請於郡
以宋相賈似道太初堂為書院至正十五年郡守劉公

貞病其隘陋復遷於柳氏園棟宇粗備而兵燹大起又廢乃治王氏義塾設主而祠之後四年兵作又燬遂祀於郡庠焉越三年郡貳守繆侯思恭暨經歷茅君毅誕咨于衆合力改作相方度宜惟太初之基是稱爰除爰闢拓而大之鳩工庀材會庸給直心畫目指不勞而集起手於是年六月落成於十二月禮殿中時以祀先聖十哲北為祠堂以祀宣公又北為講堂屬以脩舍以為會集之所以楹計之凡三十有二東西廡為間各六以為講誦之地庫以藏祭器廩以貯佃租庖以治烹饌又若干間秩然有敘營締堅縝規制宏麗炳然與然有加於昔練吉庀儀奠而告焉時則四明周棐為山長主之於是郡博士曹君睿來請文以示悠久嗚呼天寶以後唐綱解紐權移藩鎮其未遽滅亡者徒以昭陵休養生息之澤洽于民心爾德宗以昏庸之資乘衰弊之運好佞復諫昧於利害重罹播遷不少懲艾亡可翹足待宣厲士氣支大厦於將傾闕頽波於長逝其言曰吾上不負天子下不負所學可謂偉然王佐之器能以天下為己任者矣使其端本整弊之策盡獲設施則阿衡孔明之事業夫豈多讓願讒短於羣邪斥沒于遐荒有臣撫

君君子惜之自宣公之沒三百餘年而至建炎始有祠宇建炎至咸淳百四十年咸淳甲戌至正庚子又將百年矣書院祠堂迭興迭廢至今日而大備德宗慊其唏已不能暫容於一時而士君子乃倦倦於五百餘年之後以見天理之在人心者如此在易之革曰大人否亨道亨則身否宣公亦何憾焉夫盛德必百世祀即其父母之邦虔崇報之典廣絃誦之教盛揖讓之容讀其書思其人作興俊秀此郡侯賓佐之美意蓋能知所先務矣有勸於方來者豈淺淺哉故詳其建置之始末槩論宣公之大節以著焉詩曰高山仰止景行行止來遊來歌者尚明洪武初同知劉澤民建於城內宣德二年有稽焉

巡撫胡槩建於府治北正德十四年知府徐盈重脩嘉

靖十七年通判張本潔改建報忠坊嘉興縣學故址三

十六年裔孫陸杲等建象賢堂萬曆四十五年重脩左

有景賢書院嘉興志今廢

仁文書院

在三塔東百步一名天心

袁志

萬曆癸卯知府

車大任與嘉興知縣鄭振先創建奉祀河東餘干姚江

新會四先生又建有斐亭

車大任記余不佞自束髮受讀知橋李為人文淵藪頃以

辛丑秋領郡則目睹諸青衿循循雅飭載道之器迺躍然歎曰文運本之山川淵源得之師友今天下無一郡無書院者橋李固首藩名郡獨茲缺典作人之謂何嘉興鄭君亟圖之乃於西郊外三塔寺上游卜其地而得吉喜焉厥面孔陽盈盈一水龍蟠遺脉猶有存者工成而落之顏曰仁文書院特於本朝廟祀四先生而祇奉之標示正脉統一聖真甚盛舉哉且地由捐俸力不煩民花竹池亭斐然淇澳而營繕成於不日鄭君遂屬余記其事余惟天地間理一而已自其渾然全體而言謂之仁自其燦然昭列而言謂之文仁不可驟至文先之文不可忘本仁主之仁文非有二也夫求仁者舍知行無從入之路矣知行豈有二哉造化之心不可見而于吾人見之仁者人也人而不仁生生之理滅矣何以文為辟之手足痿痺孰持行而元氣周流四體自貫又辟

之果核未種生理中含而根莖枝葉發露殆盡仁以貫通乎文文以發露乎仁總之所以學為人者也吾夫子講道論德諄諄惟仁是訓因材而篤道脉心源開來繼往功莫大焉至濂洛關閩諸大儒始表章之至我朝四先生益闡揚而光大之頃得旨廟祀孔庭信以揚昭代鄒魯之風啟後人斗山之念也已夫河東雖不著書而時錄新得若餘干以敬為主新會以靜為主文成則一以致良知為主要而論之殊途同歸莫非仁也或曰薛胡踐履醕篤似專於行陳王天資穎拔似專於知嗟乎知行豈有二哉其致力之不一者所入之途而得力之無不一者所至之域一者何也曰仁也豈惟四先生為然由宋儒以上逆夫孔子亦安往而不一哉四賢一仁而已矣今書院建在長水塘之濱有志於仁者因委求源以完吾人生生之理無亦效法四賢真知力行直追聖門之一脉甯為樸毋為華甯為拙毋為巧甯啞然不出口退然不勝衣而必不可使寤寐之慙于衾影甯博不窮二酉業不奏一匡而必不可使夜氣之牴于旦晝此仁不仁之辨也生理克全本真自復耳目不用歸乎其天所為繼四先生而輝煌俎豆者誰謂橋李之間無若人哉諸生生長此邦所不足者非文而器多載道仁不

難成余故申述仁文之旨四先生實式臨之瞻象洗心
生一脈仁不可勝用也自是海內稱樵李士甯獨以
文勝亦如四先生以道德勝庶于父兄師
友及良有司興起斯文之意俱無負哉
後知府詹應

鵬鄭瑄相繼增祀吳貞肅岳石帆為六賢祠置義田四

百二十二畝吳志 岳元聲和聲均有碑記 案記兵

義田繼守蔡承植嘉興令顏欲章秀水令陳于廷始終
成之署守熊秉衡建樓五楹久廢乾隆二年奉檄改建

岳忠武王廟詳祠祀

鴛湖書院 在郡學東偏康熙五十五年郡守吳永芳建

前為頭門門右為文昌祠中為甬道戟門為正誼明道

堂後為樓下敦宿齋旁皆書舍永芳嘗以鄉賢稼書陸

先生三請從祀未果院成奉主于樓延師課士捐置義

田七十五畝二分又撥楊公祠田七十八畝零為祀葺費及脩脯焉吳志 吳永芳

記黨庠術序之教廢而鄉學之遺意而于聖人之精義微

言與其徒日相發明迄於今不墜良以師範有人則興

起更易前型後學交相待也嘉禾為浙西名郡英賢接

踵而當代儒者則推稼書陸先生今成人小子幸生禮

義之鄉而聞風興起若濟巨川而得舟楫履暗塗而遇

夜光以視僻壤遐陬徒望古而遙集者相去難易蓋什

伯較矣昔安定敦湖州構經義齋治事齋以造就諸生

其子弟莫不循循謹飭今欲俾嘉之人士戶詩書而家

禮讓自非萃聚羣英講學以明之亦何以美風俗而維

道統使稼書先生之責也爰倡捐俸入營度隙壤屬國子

養後學司牧者之責也鳩工庀材以落成之而顏之曰鴛

湖書院於後樓三楹設主以祀先生傍列生徒齋舍延

文行之士為之師無遠近皆得就學器用之需咸備具

焉又與二三邑長捐置義田量其歲之所入為學師脩

脯之資其餘以葺院宇給司闈之口食仍刊列一編登
敘文案俾永遠以遵守夫鴛湖胎靈孕異實人文之淵

數子弟平時受父兄之教耳濡目染原能有所成就今更得會聚一堂日奉先儒之範讀其遺書景其懿行且與賢師友講明以切究之譬之業百工者居其肆以成其事而益進于廣大高明之域于以繼美正學為朝廷儲大有用之材是又邦家之光而都人士之所以增慶也今聖天子昌明道學獨尚考亭朱子而先生居平言行一本新安明後罕有其匹宜其躋位先儒從祀兩廡因格於例未從所請而茲之書院適建於學宮之旁豈理學後先輝映而食報之不爽乎抑鄉學之建與學校相維繫而斯文萃美並時而不朽乎然余又聞嶽麓書院創於宋長沙太守朱洞至今傳頌其名余誌鴛湖書院而覩縷言之者蓋深冀後之來守是郡與郡之賢士大夫相為繼續不致久而徒循其名也余滋幸矣又張尚瑗為記又有鴛湖書院彙刊一編案先儒陸公于雍正二年議乾隆三十四年士人集伙重准從祀距請祀僅數載云

脩次年夏知府李星曜檄秀水知縣撥寺僧入官田佐

經費九十二畝內贖去二十畝實田七十二畝其贖價銀實八十兩存公取息邑人陸樹本為記三十一

年知府馮章宿又撥徐何二公祠田四十七畝四分零歸書院嗣守令倡捐積存銀二千四百八十兩給典生息詳記四十七年知府劉嘉會增建齋舍後堂嘉慶元

年知府伊湯安又倡屬捐銀千兩更定規條伊湯安書院規條碑

記郡之鴛湖書院自康熙丙申前守吳公永芳畫郡學東南餘地創建時當聖廟壽考作人化成天下

釐定學宮典制特崇紫陽朱子位次於十哲之下郡屬平湖縣陸清獻公講學著述一本紫陽德行宦

跡粹美無疵奏請從祀兩廡奉有諭旨本朝惟此一賢光馨上丁俎豆而書院適成專奉公為宗主

訓厲鄉後學誠盛舉也初止義田七十五畝二分資院長饘粥今所稱膳田是收租完賦所餘無多又有楊公

祠田七十八畝零雖入書院自有管理者除完糧諸費每畝僅取租二斗共一十五石六斗零諸生赴課咸自

裹飯至乾隆丙子以來諸前守加意教育彭城李公星曜撥精嚴寺僧入官田七十三畝又贖回田價一百二

十兩存典起息又代州馮公章宿撥徐何祠田四十七畝四分二釐皆為課期諸生午飯試卷及脩葺院宇諸

用今所稱課田是無錫鄒公應元又議定院長束脩銀一百兩內課生員三十名各月給膏火銀五錢令七縣捐貲未能籌立經費至乙未戊戌如皋王公燧有典商兩次願捐銀一千六百八十兩付典一分生息給用到今積存本二千四百餘兩經費乃有所出各縣免捐詳載碑冊各記然年之豐歉不齊用之多寡莫定支給尚慮小虧而課士之規更未整肅如每課發題散卷生童越數日陸續交卷真贗何由察辨且易午餐為給錢尤為不局門面試之藉口訓士實政幾成具文吁可慨也嘉慶初元丙辰余由括蒼移守茲土漸知其弊敬率同城嘉秀兩令丙辰余由括蒼移守茲土漸知其弊敬率同因為酌定規條甄核必公約束必密向時兩課胥由院長今定望課歸院長朔課府縣官輪試課必局門無許挾卷潛出內外附課生童槩給午餐官課優卷捐資獎賞用示鼓舞一一條列刊示余昔牧奉天甯遠州其俗淳樸少文百餘年無登第者余公餘校錄三十餘人捐俸立義學親加訓勉自丙午迄辛亥登甲科列館選者輩出益信何地無材惟人有造况此名邦素稱文藪諸生負俊秀之高姿被鄉先生之遺澤既已得所師承于茲類聚勤脩橫經鼓篋居肆專精麗澤滋益相漸摩于

聖朝越樸菁莪之雅化何難日盛月新蔚然邦家之光也哉余因詳核而統記之冀後來者一覽畢知有增毋或廢焉嘉慶二年丁巳春三月道光十三年知府覺羅克興額倡捐

脩葺改後樓為平屋五楹咸豐十年燬于兵燹同治三年

布政司蔣益澧捐廉為倡知府許瑤光集資重建奉祀

陸宣公陸清獻公張楊園先生位閩浙總督恪靖伯左

宗棠書景行維賢額于講堂舊時院產查有田地六百

六十一畝零內膳田七十五畝零課田一百十八畝零金明寺捐田一百六十七畝零惟嘉學撥

田三百畝零每年應解租銀七十二兩五錢知府許瑤光籌洋二千元生息

為山長脩脯資嘉秀各絲業復每年捐資佐膏火詳明

立案許瑤光為記新天子受寶命之二年秋飭禮臣議興學校以各直省府州縣書院與學校相表裏自

經亂後月課廢弛士氣無由振應由督臣撫臣檄各屬
 於事平後設法經理俾士子得聚處觀摩潛心學問以
 副 朝廷樂育人材之至意甚盛典也是年夏瑤辦
 善後於越州脩葺山書院以課士三年春二月蘇兵復
 嘉興浙兵復杭省四月瑤典郡禾中七月方伯蔣率兵
 復湖州禾民愈安堵無恐八月方伯來自湖命亟脩
 湖書院出番銀千餅助工十月宮保左督師由浙將入
 閩瑤送之錢江臨行謂瑤曰我朝浙西人文以陸清
 獻張楊園為最皆嘉興人也清獻於雍正初祀東廡未
 祀以前郡守吳永芳為勸湖書院奉清獻栗主於敦
 宿齋樓置義田繕脩脯以課士清獻之風可以借模後
 進矣惟楊園與清獻同時學問篤實純粹遠紹閩洛近
 淑山陰惜未從祀孔廟蓋其迹隱而其書未盛行也余
 既飭脩其墓暨務本堂於桐鄉鑪鎮矣汝曷思以表彰
 之瑤惟從祀之典自咸豐十年後限制綦嚴申文詳請
 准駁難必而書院之供奉則守土者可以自主因謀之
 紳耆集資修書院擬增奉楊園栗主而又考嘉興往哲
 推唐陸宣公為最著宣公經濟在名臣中學術在純儒
 中宇宙所共欽慕不獨嘉興也然於配祀中瞻其名位
 則尊敬之心多而親企之心或轉淡是推而崇之為天

下所共戴不如引而近之為鄉里所豔稱而觀感興起
 之獲益彌多也於是決議增宣公於清獻楊園位上書
 謚不書諱所以申禾人之敬也慨自後世取士尚文藝
 詞宗詩伯推重名流傳衍既久好事者或拓其逸事著
 為年譜又復刻桷丹楹以標榜之馨香俎豆以報賽之
 因而後生小子童震其名老服其教精神手澤之所垂
 亦深足引學人好古之念比比然矣至講理明道躬行
 實踐之儒其品誼既不諧流俗著作又不可求工於章句
 精純之義轉似平庸嚴正之詞反形迂執道高識寡遐
 陬僻壤無人識其姓氏無足怪矣乃里居相近歲月相
 接而黨庠術序中亦無復道其梗概如張楊園者又何
 可勝數哉夫鄉里賢哲之風衰微不彰此師承之失也
 若後進之士無所效法而日與浮華相逐守土者亦安
 得辭咎瑤之是舉蓋猶遵前太守吳公之遺意冀學者
 知聖賢相傳之微緒振於古不絕於今得於鼓篋肄業
 之餘羹牆相見庶幾學術正而人心日古風俗日醇厚
 成 國家中興之盛會而延舊邦文獻漸摩之餘澤已
 爾書院舊有田若干畝生息銀若干兩兵後田荒息銀
 盡沒失瑤為清查其田更籌番銀二千餅留以稍助山
 長脩脯他日當謀所以益之也是為記 按先儒張揚
 學校一

園于同治十一年奉准從祀東廡

育德義塾

在府治西南毛家坊舊為塶庵同治十三年

知府許瑤光率郡人嚴大魁張程式等改建義塾延師

以課童蒙之無力讀書者郡中向有化城庵善舉公產

兵後僅存基址光緒二年董事稟請撥入義塾並集貨

建復租房二所

一在秀邑報忠坊禳二庄地六分一在五龍坊禳四庄地九分紳士金

福曾捐禳一庄房基一所各收貨息佐經費

嘉興縣學

在縣治東明嘉靖十四年遷建

大清一統志案圖

經有文宣王廟在天星湖上唐開元中建乾符間廢五

代晉天福縣陞為州崇廟貌未立學制

柳志宋初廟在縣

西北二百步後附於州學縣學址更為郡社壇咸淳五

年縣令張汴以西城舊驛舍為縣學

至元志梅應發

慶歷弟子員更定於熙甯主其事者簿若丞官未專置
理宗皇帝三十九載始詔天下悉差主學于是簿海內
外皆夫子宮牆矣構李甲右扶風附庸邑曰嘉興學久
廢其址更為郡社壇士藏脩無所校官至虛設今尹資
中張君汴喟然歎曰設庠序以化于邑尚矣今朝以主
學命官名具而實泯令獨不愧子衿詩乎迺亟請于邦
君本心文公公曰興學吾志也曷敢不如請令迺相攸
西城廢館白于郡而址焉邦君命之則出帑佐費鳩僦
功大尹高墅潛公聞之喜撥緡為助經始於咸淳五年
八月明年正月告成先是學有田寄諸泮宮未復令曰
均之養士奪彼予此非吾志也迺捐邑圭租畝百漕郡
又撥鹿苑廢寺而依田地凡若干畝為繼粟地邑民士
復爭以田租來助郡侯嘉之悉與蠲賦稅免徭役菁菁
莪沚仁養沛然是可以教思無窮矣又有知軍文本
心判張令及主

湯至正十一年縣尹陳伯顏重建大成殿陳達記故宋咸淳五年本

心文先生知府事縣令張侯亦請以城西舊驛舍改作

之及今八十年未有圖新者至正庚寅秋當塗潘君庭

堅來職教謁邑令陳侯伯顏君退而稽學田租逋之籍

可得米五百餘石私度復求好義士佐以濟則事無不

集明年辛卯春雨澆旬殿宇果傾圮君走告陳侯翼日

侯詣學進儒生問計羣老前曰侯捐俸錢五十錠率先

校官若吏與儒之食于學者咸願請斲息廩給以相迺

復盡徵前所逋米又增撥是歲之入二百石資用以三

月旬之中率作興事四閱月而成築崇其基二尺殿深

廣增高皆加于舊楹丈制度比擬郡庠七月甲子行釋

菜禮告厥成功稱爲浙右邑學冠是謀也陳侯力二十

維之而朝夕盡瘁以家視學公爾忘私則潘君也

二年縣令石光著重新櫺星門齋廬吳明洪武六年縣

丞魏誠重脩陳彥博記嘉興縣學創自宋咸淳已巳今

時將就頽圯今從事郎河東魏誠來丞茲邑既視事祇

謁廟廷稟然懼無以奉明祀而廣樂育乃首捐俸以義

而勸邑人且白置府僉判劉公澤民鳩工庀材百堵皆

作先禮殿次戟門次兩廡次禮亭次櫺星門次像貌次

作文昌祠于學東既又暨明倫堂作闕楯益東西二齋

二軒治庖廩經始于洪武癸丑六月辛卯訖工于七月

戊辰宣德二年巡撫胡槩命知府齊政知縣趙良大建禮

殿明倫堂易櫺星門以石正統十一年知府黃懋增號

舍柳十四年知府舒敬知縣王錦重新之劉儼嘉靖初

知縣蔡經重脩又建大觀樓十六年知縣黃獻可改興

聖寺基爲今學卽宋孝宗流虹之地規制咸備姚涑新

教崇正言才事無大于此亟命行之于是大參洪公王
方憲憲焦公伯升咸以循行至胥贊其役督學徐公子
升相以成之下檄郡守鄭君南金暨邑令黃君獻可奉
以周旋身綜厥事迺徙金仙像麾諸僧徒改其殿為文
廟殿之左右為兩廡即其重門為戟門其外門為櫺星
門遷明倫堂於廟之東鑿堂之前為池遙與天星湖相
映建尊經閣于池之東南池之左右為東西二齋門于
齋之外稍更其方丈之制為啟聖祠堂之後為敬一亭
制惟其備不求其麗工惟其集不責其疾凡棟宇學恩
之過度者悉屏削之蓋以正吾宮牆之規不欲襲其舊
也經始于乙未之冬落成于丙申之春妥侑有除墳典
有儲講肄有區游息有廬士之習禮容者洋洋焉濟濟
焉相與盱衡揖遜談詠于其間見者嘆息莫不以此為
吳會之盛事初事之舉也多惑于流虹之說公斷之曰
寓精奇曜者其事誣宣風敦化者其義正于是破昏為
明圖難于易乃知先後之宜輕重之分公所獨審非流
俗之所及也 明年作正役亭 黃獻可 三十三年門堂齋舍燬
三十九年知府侯東萊 案自劉志誤作劉愨後通志郡
邑志皆沿其訛從碑記及傳改

知縣何源重建

賈名儒為記

四十五年

案郡邑志作四十年誤

廟門災

知縣范崙重建

賈名儒為記

萬曆十二年知縣顧雲程重脩

并建聚奎門

嘉興湯志姚宏謨為記

十九年知縣蔡肇慶重建學

宮

吳志應遠為記許

二十四年知縣陳儒重脩大成殿

劉志許應遠

為三十五年知縣顏欲章重建學宮

朱國祚為記

三十八年

知縣陸獻明重脩

朱國祚為記

泰昌元年知縣蔣允儀重脩

陳懿典

崇禎三年知縣王驥

案志作張鳳翥者誤今從碑

重建學宮

嘉興湯志

李日華為記 十一年明倫堂燬知縣羅烱重建并脩殿

庶儀門十三年訓導孫肇元起聯奎樓廣學前街

國朝順治十三年知縣張厥脩重脩廟庶戟門康熙六年知

縣金鏞脩明倫堂儀門十三年知縣梁冲霄脩啟聖祠

儀門二十一年知縣何鉅脩明倫堂聯奎樓四十四年

知縣陳大宏脩殿未竟五十四年徐岱成之袁志徐鳳池為記

雍正元年署知縣王以和重脩殿廡門垣自為記乾隆八

年知縣趙預重脩旋去知縣鮑鈺接脩殿廡崇聖祠及

門垣悉竣增置石欄自為記十九年知府張照乘通判署

知縣胡天昇重脩明倫堂張照乘為記三十三年知縣王士

澣重脩學宮錢陳羣為記三十九年知縣梁森重脩明倫堂

齋舍錢汝誠為記五十四年知縣鄧日治教諭車向榮重建

聖殿兩廡崇聖祠忠義孝悌祠及兩署內外門垣大脩

明倫堂尊經閣奎星閣土地祠流虹亭在儀門右移詳古蹟東西

齋號舍鬢泮池伊志嘉慶十五年知縣趙黻重脩大成殿

崇聖祠道光三年邑紳陸應燿錢泰吉周瑞春等脩大

成門東廡甬道六年邑紳沈維鏞捐築北首廟牆鮑晉

捐脩大成殿並增置祭器八年教諭楊城烈訓導程夢

麟暨邑紳捐脩廟牆于志咸豐十年毀于兵燹同治三年

知府許瑤光率邑紳石中玉程瑞生籌款重脩規制如

初許瑤光碑記天下文教之興各直省視京師各列郡視直省之首郡各州縣又視列郡如流承源如枝承幹波相屬機相緘也顧列郡雖設郡學其秀士仍分錄於各州縣以隸之教授官其人常散然四處其教遂遠而不親賴列郡附郭州縣之學聚其士人以時彬彬於俎豆間講求經義相為琢磨而後由近以及遠各外學

乃翁然而化嘉興秀水附郭邑也然秀水分置在嘉興後故縣必首嘉興學亦必首嘉興唐開元年始置學明嘉靖中改建於興聖寺即今學也同治三年夏瑤來守郡時逆匪踞郡已五年矣克復後議修各學以期復中興文教之治始治郡學次即嘉興縣學敬往履視則大成殿雖存而崇聖祠尊經閣東西齋暨奎星樓流虹亭均蕩然無有兵燹之餘籌費不易驟難并舉乃與孝廉程君瑞生石君中玉謀為漸積計以三年秋創始不迫不輟至七年夏工乃告成為文以記之瑤惟聖人之學明倫為大犯上作亂皆不孝不弟之所為頃者粵匪構禍煽異說於山陬海澨亦教化不逮所致也茲國家運會中興削平禍亂東南萬里民得復業士得雍雍啟篋讀書非僅恃有武臣力也實賴朝廷教化涵濡垂數百年挺生一二公忠之士忘家為國忘身為君揮斥將士所至有功而後天下安而吾浙亦安則是中興之業非學無以至此非明倫亦無以致此也嘉興為陸宣公誕育之地翊中興於唐室其言上不負吾君下不負所學蓋於盡禮致身之道得力甚深也此邦士人既密邇宣公遺澤使修身勵志明古通今深權時變因以上窺聖賢之堂與將處則有守孝弟詩書足以倡率

乎鄉里出則有為本文章以抒為經濟黼黻隆平不致貽黨庠術序羞是天下之福也邦家之休也亦學校昌明之象也豈不盛哉是役也董其事者知縣諸城臧均之教諭鄞縣范樾訓導錢塘汪繩武而紳士程君石君之力為最多并誌之

崇聖祠 在大成殿後乾隆五十四年重建 咸豐間燬

同治中重建

尊經閣 明嘉靖中遷學建于儀門左

國朝乾隆十九年知縣張元文重建于明倫堂之東北隅

錢陳羣記曰自古學校之設首重明倫而人倫之道莫備於經春秋說辭曰六經所以明君父之尊天地之開闢皆有教也王制樂正崇術立教而曰順詩書禮樂以造士此經之藏于學宮樂正掌之自來也兩漢設學廣立經生博士而藏經之室未聞遍置于郡國唐開元以還郡縣始得通有孔子廟其後定制廟立於

學凡郡縣學之堂扁曰明倫堂之左右或立社學或闢射圃而其後則時以尊經之閣經之有閣其昉此歟我

國家右文重道御纂諸經燦如星日

皇上學集大成御極以來尊崇至聖凡所以培植

士氣敦勵化本者勞來匡直靡所勿周又復慎簡師儒

廣宣德意維時膺其任者皆學有經術之大臣以故薄

海內外經明行脩之士莫不爭自砥礪以萃于學乾隆

庚午冬甯化雷君視學吾浙公為人公正通經術其訓

課士子亦最重經術由是浙東西士翕然皆以經訓為

圭臬嘉興吾郡首邑也而學舍之旁獨無尊經閣郡伯

以下師君意者咸以為古制不可缺及君移節江左士

之思君者益亟欲見閣之成以志君之教迨君復來視

學則又申明職掌頒布條約率各屬學官其相勉勵吾

邑教諭沈君莫尚仰遵而力行之適脩葺明倫堂既成

沈君以其餘財思創建尊經閣以補前志所未備者郡

伯磁州張君邑侯甯陵張君咸稱善各首捐俸所入以

飲于是規明倫堂東偏隙地為閣址而邑之樂從經訓

者亦各以私緡來會不數月而工竣告成于君君乃寓

書俾予為之記子為閣之藏經猶樂之在懸也六經義

蘊廣大悉備分之則如金石絲竹匏土草木之各鳴其

天不相襲也合之而搏拊考擊相協而自致于和是故

不習其器不能審其音也不通其旨不能明其器也學

官弟子際此聖學昌明之會誠能篤嗜而深契

焉屏去外務檢束身心仿朱子分年讀書之法以優游

饜飫于其中毋欲速以自囿毋畏難而中阻毋以小得

自詡毋以小智自矜時教正業辨之豫而行之力所以

澤躬即所以善世庶不負學使者諄復期咸豐間毀同

望之至意子雖老實于諸生有厚幸焉

治中重建

忠義孝弟祠 在泮池之西南隅流虹亭後

國朝雍正元年建於明倫堂西北隅乾隆五十四年公捐遷

建于此咸豐間燬同治中重建 祀漢張武唐徐岱邱

為宋朱張洵陶菊隱元潘應定戚敬孫宣俞庸明楊任殷

原善章傳普岳商聞人彬周之仁徐世瀄徐肇樑徐石

麒麟李毓新項嘉謨湯執中李士標五人遵欽定
勝朝殉節諸臣錄增

國朝李應魁曹洪然吳煥沈茂功陳良德沈俊傑范進生倪

振公黃承昌鍾顯名碑刻及學冊計共譚吉璵沈鼎以下

俱孝子倪德臣王如臯岳鑑陳聚仁謝觀瀾岳錦文戴光

犖九人從

案咸豐同治間粵匪之亂閭屬紳民士庶或殺賊捐軀

或守正不屈一時殉難忠義不下數千百人肅清後省

學田 宋咸淳五年知縣張汴撥有圍蕩田制職田鹿苑

等廢寺田及士民田至四十六頃案主學張夢吉狀因

已并郡元至正間邑人王氏捨田一頃總管陳宗義增

四百三十三石並廢明嘉靖中部使者袁某始置學田

三十九年知縣何源置六十五畝萬曆十八年邑紳沈

文銳項穆各捨田百畝二十六年知縣鄭振先問發田

千畝分三學陳懿典為記又朱廷益記略嘉靖間部

伍公加意樹人下檄廣置區處有微權經理有定法人

方謂曠古盛舉有功於斯文甚大而吾邑鄭侯自初下

車即倦倦以造土為念會發豪民隱田一千餘畝侯慨

然曰以沒官虛田成樹人實政此一時也遂移文諸當

道籍為義田分隸三庠以布大公兼條七事新舊共田

一千二百二十二畝一分四釐八毫天啟四年知縣湯

齊搜絕戶田二十四畝助學嘉興湯志姚思仁學田

祀向無專鹿即學宮修葺率因陋踵敝不能及歲月邑

侯湯公臨祭追念已議增置鹿饌齋祠俎豆比隆郡庠

而猶謂備之不永乃搜通邑故絕圖田凡二十四畝申請助學歲入粟計二十四石其籍藏之縣其入則以供祀典之增設者至廟廡之敝憑尤時督胥史亟為修飾棟宇且一新也

國朝嘉慶四年監生范煥捐田五畝地二畝五年候選縣丞

錢世繩捐田七畝三分地一畝助學伊志今勘實學田六

百八十一畝零見該縣學各年冊報

案嘉興學田久經該縣徵解嘉慶五年舉人黃灝張廷濟褚長春等呈請歸學徵收經知縣司能任詳奉布政司劉轉詳查秀水學租係縣學與府學分收嘉善石門兩縣全歸儒學徵收海鹽平湖桐鄉三處全歸該縣徵解今據紳士請將嘉興縣徵收學租歸學仍移縣轉解核與秀水嘉善石門等縣情形相同應請俯如所詳辦理等因奉撫部院阮批准遵行

教諭署 在明倫堂後乾隆五十五年教諭車向榮規建

伊志嘉慶二十年教諭汪日莖道光十八年教諭胡元杲

先後重修于志咸豐間燬同治中重建

訓導署 在明倫堂西禮門內乾隆五十五年訓導阮培

元改建嘉慶五年訓導李承烈捐俸重脩伊志十八年訓

導柴崇高修葺于志咸豐間燬同治中重建

社學 明嘉靖九年知府趙瀛命縣境九坊各建一所萬

歷十七年兵備道史旌賢通判劉應台勘復北坂坊社

學嘉興湯志二十六年知縣鄭振先復建社學六所

馬夢禎為記一在北城內預備倉一東津嘉興今廢何志

東湖書院 在常豐坊吳志虹涇橋何志宮保尚書屠康僖

公勳卽雙溪居第爲之

嘉興湯志 范言東湖書院記 正德庚辰秋八月東湖書院成

故太保屠康僖公之書院也太保別號東湖遂以名其書院云積書買田將羣族人子弟而教之規畫甫定而卒至是公子職方君以服闋入朝繼其志 今廢

陶甄書院

在學署東偏尊經閣前光緒二年知縣羅子

森捐廉爲倡邑人石中玉程瑞生張鴻熙等集伙建延

師課士仍寓義塾之意世家寒畯得在院肄業定額二

十資其膏火典商及絲布業各按年認捐佐經費詳明

立案

于氏義塾

在胥山都道光三年于珩于瑞麟于樹棠建

平林義學

在新豐市中

尙文義塾

在新豐西

里仁義塾

在新豐鎮西南以上三塾皆嘉興周士連捐

建

按自序邑人湯紹岐袁在山張錦淵所捐最多汪廷珍記嘉興周生士漣憤其少以貧廢學倡爲義塾

於鄉邑之間以課童蒙之力不能從師者積數十年而工成者三日平林曰尙文曰里仁於呼可謂勤矣古者鄉學起於家閭左右兩塾以大夫致仕有德者居之故其時人無苦於無師者至後世而人自爲學家自爲師其不能具修脯者則輟君子憫焉故義學者所以濟鄉學之窮也然非好義者不能舉好義而無力亦不能舉周生家無擔石而克舉之卒底於成此殆孔子所謂欲立立人者哉方周生之倡議也有百計阻之者卒不懈人以爲難余曰乾坤闢萬物屯蒙之象也故始受學者日蒙蒙之卦上艮下坎水欲行而山止焉險象也然其辭曰山下出泉君子以果行育德解之者曰果行者體坎之剛中以決其行見善必遷聞義必徙不畏難而苟安也育德者體艮之靜正以養其德不爲欲速優游以俟其成也而其所以果之育之者不外蒙養之正彼夫

楊墨之行非不果也而非吾之所謂果佛老之德非不
育也而非吾之所謂德故曰蒙以養正聖功也周生創
學之志可謂果矣至其所以育之者吾未知其何若也
我國家教隆化洽自京師達郡邑靡不立學所以
造就人材者至周且備蓋涵揉海內之士以復三代之
盛者百數十年於茲矣周生所建雖不過一鄉一邑然
由是而推之國推之天下野處之秀皆足備卿大夫之
選則道德一風俗同矣遊斯學者誦誦從業日鐫月磨
毋狃於功利之溺心詞章之壘學而慨然有志聖賢之
塗以仰副天子作人之化豈不休哉余視學至
浙聞而義之適周生來請記書此以應至其學之規制
與其捐貲集事者之姓名則有周生之自敘詳矣茲不
復述是為記
今俱廢

義塾 在角里街嘉慶十六年邑人俞貽曾建職員倪濂

里募捐經管後為潤珍集在蒯搭坊化成菴今俱廢

附梯雲集 道光十四年邑紳以積存賑餘錢文生息

佐寒士鄉試之資謂為梯雲集成咸豐末遭兵無存每遇
正科隨時籌款分給同治十年知縣臧均之撥周姓里
字各莊充公田二百畝濟經費

秀水縣學 在縣治東一百五十步明宣德五年吏部郎

李亨闢基七年戶部侍郎成均命同知孟迪建明倫堂

及後堂明年建大成殿兩廡二齋正誼櫺星戟門及廡

柳志正統十年知府黃懋脩門廡建文昌祠號舍景泰二

年知府舒敬造饜堂庖福三年僉事陳永葺殿重建櫺

星門增觀德亭秀水黃志天順五年知縣莊澈易櫺星門以

石新兩廡明倫堂膳堂二齋建退居舍樹題名碑浙江通志

莆田林成化二年知府楊繼宗闢明倫堂建後堂二

文秀為記林茂記秀水為郡附郭縣宣德五年割嘉興

齋吳志土地人民增置之明年得善地於縣治東建為學又

明年廟學之制以次粗備然營創之初徒事苟完速就

而不為久遠謀故不數年間隨整而隨壞成化紀元秋

官主事陽城楊侯繼宗以碩德重望來守是郡甫及下

車即注意于興學念斯學之敝陋顧瞻明倫堂泊正誼

明道二齋謂同官曰是邑為郡文獻之邦而學宮實師

生講肄之所茲不惟上漏旁穿不蔽風雨抑且規模卑

隘殊甚苟不更作示以宏遠之制則何以竦邦人之具

瞻而興起士子向學之志哉衆聞而趨之于是鳩材庀

工誦日興事恢拓故址卻後一丈增築五尺一材之弗

堅一工之或劣悉屏去之先作前堂舊為間三今闢而

為五其崇二丈四尺有奇廣殆三倍于崇深視廣三之

二次作後堂其崇與深稍減于前堂而廣則與之相埒

次作兩齋復築學門之基增高二尺門內列植檜樹二

十四章經始于成化元年十一月二十有五日迄工於

次年冬董其事者十九年知府徐霖闢學東垣建鳴陽

門秀水黃志宏治十四年知縣譚溥修明倫堂殿廡齋舍

為嘉靖五年知縣趙章重新廟學吳志陶儼為記十四

年御史張景檄知縣林應亮建啟聖祠遷敬一亭于明

倫堂後增左右廳導學渠撤梵宇蔽午位者袁志秀水

縣學肇于宣德五年迄今若干年有司因其圯而葺之

庶無甚壞然學河介於民居積久壅堙未之能浚也精

嚴梵宇屏障南面未能毀也今皇上敬一碑亭建諸櫺

星門內位置偏隘未之能遷也識者恒病焉嘉靖十四

置弗稱且不足以達文明利出入非制也蓋遷諸乃屬
之知縣林君應亮亟為之勿怠於是林君蚤夜殫力圖
之鳩工庀材浚河渠之堙塞者廣袤凡若干丈撤梵宇
之層架者凡若干丈遷敬一碑於明倫堂後數武屋增
其舊而易其樑桷瓦甍之腐壞者中為亭以間計者三
左右各為側廳者一飛簷隆棟採丹堊煥然大新其
齋廡門垣道路之制於是為稱役始是月六日越十二
月以成告工取諸逸卒材取諸廢祠弗勞民弗傷財以
克有不績皆西墅二十七年知府趙瀛浚河闕廓侵地
規畫素定之效也

屏崇墉趙圖四十年脩文峰塔濬泮池吳志王萬厯

十年知縣朱來遠脩建十九年知縣李培重脩明倫堂

恢博士解葺儀戟兩門啟聖宮秀水黃志二十四年

巡道湯日昭知府曹代蕭命縣丞殷嘉謨浚學河廣舊

丈許秀水三十年知府車大任知縣陳于廷大脩學江

明錢明天啟七年知府詹應鵬脩啟聖祠儀門齋舍濬

池吳志李崇禎七年通判署令張治統脩廟門櫺星

諸門明倫堂陳懿典崇禎九年知縣傅汝為脩殿廡櫺

星諸門文昌祠金麗兼

國朝順治十四年知縣賈曾脩大成殿明倫堂康熙四年巡

道上官鑑脩文昌閣改建鳴陽門于吳隅十二年知縣

李見龍葺兩廡濬學河四十丈建啟聖祠觀德亭脩明

倫堂改頭門儀門向吳十七年訓導袁日華葺復正誼

齋袁志十九年知府袁國梓知縣于珽教諭范正輅脩整

櫺星儀門禮亭廡解復覺門于右吳志范正輅記秀

傳其地最靈為禾郡諸庠之冠考其遺制其脉自坤入首其水則庚兌巽丁拱於左右其流則歸於丑艮其殿則居壬向丙其門則關於丁位法甚善也及嘉靖中又用四壬寅月日開鳴陽門於震方以合壬山丙向甲門開之局由是魁元翰苑麟炳炳天下慕之誠有如馮具區先生所云可與江南之崑山華亭聞之晉江吾浙之鄞相埒者皇清定鼎仍其舊制甲第蟬聯亦綦盛矣然捷秀庠者間有外籍諸生咸思杜之因言巽門例宜東遂改其向于巳位夫信形家之說而遷就預宮誠為過舉然其術往往有驗不圖改作後歷乙卯丙辰丁巳而戊午己未諸科自建學以來無若此遺佚者方思陰陽位置前人信有良法轉移偶悖休咎立符於是姚生安陸生泐呈當事懇復巽門而曹司農張司馬杜少宰咸謂舊制宜復詢謀僉同而郡侯雲間袁公邑侯三韓于公率先捐俸憲山左孫公成公共襄盛舉余亦勉偕同寅袁實齋為諸生先又得萬生人望成生璿等協輪之誨日庀徒飭材鳩工經畫規模悉遵往制自大門儀門廟門及櫺星門禮亭殿廡署舍牆陞地者莫之敵者葺之毀者新之殘缺者補之失序者正之始康熙十九年三月迄二十年七月凡一年餘工落成將安

神告慶因進諸生而語之曰是役也上不耗國下不脫民循其位置復舊觀矣夫諸生皆誦法孔子者也孔子以五倫為紀以六經為教以仁義禮智為心以堯舜禹湯文武之道為道誠能敬信而不悖服習而不遷優游漸漬以幾于化庶幾才兼體用而學貫天人如棟梁之可以任重戶牖之可以納明丹雘黻之可以飾治使天下之慕之者謂秀邑人文究與崑山華亭鄞相埒也豈非庠序之光哉其或不思昔聖賢之所以垂教萬世者以陶淑其身心表見其功業即使宮牆制度已復舊觀甲第一如往昔終無所樹立以為法于天下可傳於後世也不滋慙乎余之勉復巽門豈惟率由舊章且望新其風化至于形家之術雖儒者所弗重然易言俯察仰觀書言卜瀝營雜詩言相陰陽度流泉似古聖人亦嘗為之因並存其說尤慮歲久事湮繼起者復喜紛更因次第其言於石垂戒永三十一一年九月知縣任之鼎遠又邑人杜臻為序

脩明倫堂三十五年秋大風暴明倫堂圯知府黃家遴知縣陳緯倡建程隆基四十一年布政趙申喬檄知縣

于勛重建明倫堂 姜櫛杜 五十三年知縣吳階芝建啟

聖祠五十六年知府吳永芳知縣丁兆啟倡建殿廡櫺

星門 吳志 雍正四年知縣程世恂脩大成殿 世恂為記 乾隆十

一年邑人諸錦捐置櫺星門外石欄 諸錦銘并序秀水與嘉興邑夾郡學

亦如之郡學與嘉縣學櫺星門外皆有石欄獨缺秀水

余往時及見樹以木柵今并亡矣下馬石二通夾廟墀

東西列今并仆其一於是列隧徵債秘戲奇技亦莫不

庸至韓集路而東西者便旋洩溺如鷄狗羊豕馬牛不

啻詰之則無欄楯故民是以翫余駭焉乃取駕湖書院

授粲米六十石為料匠之費閑以石欄自丙寅閏三月

四日至四月八日而竣其隄岸及宮牆之類猶有

待為之銘昔之儒官冠紳其師今也過之百戲市司昔

之儒官禮樂書詩今也不然姑旋慧私亦庇私館丹漆

陶瓦而獨廟門蹶踏牛馬已乎殆哉孰飾孰欺孰肯孰

以勸德施以風有位 二十三年知府曾日理知縣楊

國華倡脩學宮殿廡堂宇門欄屏牆并濬學渠 諸錦記

聖先師孔子自中國以訖蠻貊為生人秉彜之性命與

天地古今不敝故文廟之建自京師太學省郡州縣

無敢不肅我朝于先賢先儒尤加意倍至 聖

祖仁皇帝祔朱子于十哲 世宗憲皇帝復祀六

人增祀二十人啟賢一人今 天子臨御升有子

於堂餘增于廡分別前明改罷者復位式序更昭穆者

凡三次郡縣悉依頒行闕里之志匪咸秩無文已也而

秀水 文廟南岸以寺基拓界為宮牆疏屏數十年來

皆廢墜學之耆宿揖予而言曰門間列肆習為故常而

兩廡神牌顛倒舛錯噫其悖慢極矣錦以省墓在籍告

之邑侯府道諸公而崇義踴躍書簿者十日內得若干

金殿臺鬆黝瓴甌一而新賢儒栗主脩廣厚薄謹書如法

舊位斂以板格香廚戟門顏以左所盟尊右所省牲頌

曰自堂祖基自羊祖牛鼎鼎及奠禮也若欄若奭若街

築石完固重門西向形家以右出為善也岸闊東西凡

為遠大之謀不為緣飾而為淪浹之計過者仰止後來者感發豈獨科名之溢將儒宗名臣循吏文苑相望不絕焉甚盛事也經始于乾隆戊寅二月告竣于己卯八月監生陶讓德悉心經理又以堂後周垣為己任大夫曾公亦以其能也并濬河之役三十五年知府陳夢說託焉庶幾有始終者是為記

知縣張圖南勘明學基飭定精嚴寺殿毋逾舊制丈尺

朱坤記秀邑學宮基地卑下自基至脊凡三丈五尺五寸精嚴寺峙於前高出其上前明御史張景巡視至學見其鴟吻陵駕謂與吾道相角令有司撤去今石刻可考也歲庚寅寺僧重建意將改舊觀同學諸君請禁之坤曰今主郡縣者凡所蒞止靡不以維持世教為己任諸君何過慮為既而郡縣聞焉曉以功令限之規制僧惴惴自白不敢過高狀於是限以舊址為基自基至頂無踰三丈二尺五寸頂不起脊一仍舊式并禁其創造

後五十四年脩明倫堂嘉慶三年知府伊湯安率知縣

何際昌大脩學宮伊湯安記學校為三代聖王治民之具厚人倫廣教化美風俗興賢才胥

於是乎在後世率循莫敢或廢我朝承作君作師尤以學校為首務余自括蒼移守嘉禾下車之日仰承文廟時嘉興學繕葺方竣秀學傾圮已逾十載垣頽木蠹瞻顧悚惕亟謀葺新會邑人陶世仁張純熙楊志麟鼓舞倡率輸貲佐費共襄厥事大成殿陶氏獨任之戟門兩廡張氏楊氏分任之鳩工飭材踴躍恐後易朽腐正傾欹加瓦甍以厚底覆施髹漆以煥丹雘築萬年之臺石脩隔水之宮牆栗主一新規制加宏焉學始建于明宣德五年屢脩屢圮國朝以來遞有增建乾隆二十四年知府曾日理知縣楊國華重加脩葺邑人陶讓德董其役詎今四十餘年讓德子若孫復襄盛舉陶氏可謂世濟其美矣經始于嘉慶三年三月迄工於十二月凡木石陶旅釘鉸丹漆匠役之費計若干落成之日邑紳士來乞余記洪惟漆匠皇圖式廓聲教所訖無間遐邇凡隸學宮者涵濡沐浴旁皇周浹百五十餘載秀水人文甲他邑名臣輩出科第踵接其所以冀仰答者宜何如夫三代之學皆以明人倫為本誠能齊一心志勉勵學問踐其實不徒鶩其名苟有得

於已而為閭里之型為邦家之望於焉發之乎盛德大業以懋佐朝廷之盛治是余之所厚望也夫既以是告即書以為記十四年邑人陶世仁晉揚晉應重脩以上伊志

學宮甬道並門內石路禮門義路道光九年邑人葉臣佐陳宗柏等捐脩櫺星門十三年陳宗柏捐置祭器樂器十八年陳宗柏等捐脩明倫堂于咸豐十年燬于兵

燹同治五年知縣翁以翼會同邑紳請欵並勸捐重建知府許瑤光記皇上登極之三年東南大定遣官祭告闕里飭天下脩學校以光中興文明之治瑤是年守嘉興謀脩各學而秀水學被燬最甚乃請帑錢萬千更勸捐助以五年興工七年告成為文以記之瑤思尊崇聖道惟本朝超越於前古攷崇德元行經筵禮孔廟五年定丁祭儀洎燕京定鼎順治改元行經筵禮大成殿之名九祭孔子於宏德殿益侑舞籩豆之數復大成殿之名九年幸學行六叩首禮此龍興盛軌也康熙初造藩亂始

平時猶岌岌多事然二十二年舉幸魯盛典釋奠特九拜幸孔林亦三拜酌酒留曲柄黃蓋作供奉物撫摩古檜欽仰製賦二十五年設位於傳心殿四十九年諭武朝有額矣一體行禮懿懿郁猗歟盛哉逮二年憲皇帝即位增祀五代改公為王改幸學為詣學二年闕里災素服徹樂詣國子監行禮發帑銀十五萬遣侍郎官詣魯督脩殿瓦改用黃兩無用綠三年諭聖諱加卜旁讀作期音郡縣學改用太牢四年釋奠於學進爵進帛皆跪羣臣以為非舊儀諭齋一日不獻不安永著為禮五年諭羣臣每歲聖誕官民致齋一日不獻刑名凡際丁祭疆臣學臣親詣行禮毋得先行祭丙七年闕里工將竣飭內務府往裝聖像用元衣纁裳頒發鎮圭推從周之意也是年卿雲見於曲阜御製碑云錫祐者天承庥者聖不其然歟已而頌法琅銅鼎及祭器於尚方計此十餘年中無日不以寤寐羹牆景行先師為念而親詣闕里之典則又莫盛於乾隆之朝考古幸魯之事惟漢四見唐再見元魏後周及宋僅一見元明絕無可紀者欽惟純廟三詣闕里其大成門也皆步入其釋奠也皆於前一日行香其修廟也殿門額皆御書聖時

宏道門皆口授詩禮堂金絲堂各蹟皆有贊杏壇楷木
泗橋洙河各勝皆有詩仍留黃蓋更汲古井誠哉明德
馨香化成天下矣自時厥後凡國家有大典大慶必遣
官或命皇子祭告繼繩繩至於今日巍然成中
興之景運此豈僅揚謝張皇隆其外飾已哉蓋聖與
聖契重熙累洽之治皆原本於六經也恭讀康熙
御製贊文非師夫子惟師於道統天御世惟道為寶雍
正御製論語論云綱維既立而人無踰閑蕩檢之
事在君上尤受其益乾隆御製碑文見聖匪艱由
聖則難弗克由聖孰圖治安此以知西浙時與諸弟子
型於億萬年矣瑤躬際休明得備員西浙時與諸弟子
講肄詩書若朝章鉅要數典而忘何以副平昔文章
報國之志故詳述之以挾揚鴻烈且願此邦人士能知
德化之由而相率以自祓濯耳是為記是役也督其成
者知縣上元翁以巽太和張致高雖縣郭恩觀學官諸
暨蔡欽堯仁和湯炳奎紳士則舉人陳令儀蔣珍張清
安陳善揚拔貢沈景脩同知倪燾生
員唐敦輝高寶銓諸人之力居多

崇聖祠 舊在明倫堂左偏嘉慶三年邑人陳振聲延聲

捐貲重建於明倫堂後並構敬一亭伊志咸豐末燬同治

中重建

尊經閣 在學之與隅明萬曆二十三年守道張某巡道

湯日昭知府曹代蕭知縣李培建秀水黃志

國朝康熙四年巡道上官鑑捐俸重建袁志久廢

忠義孝悌祠 在明倫堂西

國朝雍正五年建乾隆元年邑人鄒天嘉重脩鄒天嘉為記十一

年又脩之勒祠祀姓氏于石二十九年知縣韓本晉訓導陸勤

蔡率祠裔脩葺伊志道光五年祠裔項琳婁志書陳宗柏

岳鴻遠何濤捐資重建潘國徵撰碑記祀明姚瑄金網

呂原俞山項忠金鼎屠勳徐瓚陳四四沈璧周恂懋陳
昂鍾璧劉鏜吳槐寶卿高尙志曾丙曾雨鄒國儒沈東
姚世華沈本積周允文沈思孝朱儒項元淳陶廷錦朱
國祚曹大田岳元聲徐必達陳懿典夏雷項德純卜宗
洛賀燦然竇文照項穆徐石麒高穎琦沈文銳竇國元
葛學孔沈元昌邵宗舜陳榛徐世濟宋承武姚堯允葉
森張次柳及邦清徐柳卜年劉謙齋吳兆華姚勉項嘉
謨夏祖訓張龍德三人遵 欽定
勝朝殉節諸臣錄增
國朝吳天俊朱彝敘董士昌沈蕙讓屠英陳王愉鄒模卜玠
宣戴樹屏朱元盛支燧葛天麟曹德望沈曠張作霖沈

選文金士龍陶德信王生槐張瀾鄒世麒何漢偉陶宗

恒屠世芳俞文彬伊志從碑刻學冊 序次合八十六人陳元朗于志增嚴大

升顧沈連程元英程煥姜承烈王鳳鳴周師洛陳功安

王恩壽以上俱孝子 從學冊增咸豐末祠燬未建

射圃 在學宮之南景泰五年知縣童暉立柳志

國朝康熙十二年知縣李見龍重立伊志

學田 鹽院凌某置義田九十九畝三分九釐萬厯中三

次間發入官田九十四畝十八年沈文銳助田一百畝

共田二百九十三畝三分九釐秀水黃志二十六年學道伍

袁萃飭屬廣贍士田知縣李培勸輸及籍隱田四百畝

黃洪憲記甯方伍公奉璽書視吾浙學政德教翔洽多
 士斌斌雅化復推廣勵指飭所部諸序增置義田以贍
 士之貧有行者其言曰禮義生于衣食足教化行于生
 養遂蓋古者既富方穀之意而又慮法有起奸利或召
 蠹乃一再移檄防其弊竇于是戒乾沒懲冒濫清隱佔
 嚴催併廣增置之條定均輸之令條分縷析期行之永
 久而報命先是巡漕凌直指覆官鏹之奇羨者若干緡置
 田九十畝有奇嗣後民之以事當沒產者封君富人之
 好行其德者以次輸入至三百九十畝贏屬又以奸豪
 隱田籍其家得四百畝總之視大縣八百例實首中程
 云而又恐其歲久易湮也因奉公指屬文為記余惟古
 者虞庠夏序殷學周膠其藏粢米廩之制袒割執醕之
 儀特為養老而設未聞養士士亦無不養者蓋古者無
 不授田之民而家塾黨序羣弟子而訓誨之故有養士
 之實無養士之名厥後井地法湮民鮮恒產而士常食
 貧雖以洙泗之間閭而或簞瓢環堵或纓絕肘見以至
 學稼干祿賢者猶然不免矧後世乎國家功令邑之廩
 復其身而勢不能槩餼之廩彼其屈首受書恒鮮生計

貂裘敝而蠹簡寒則有緡廢不完者則有桑柘不充者
 則有三釜無措而二簋無資者是非大賢鮮不易慮強
 者恣睢弱者甘昧雖踰繩檢弗恤豈自背於名教哉饑
 寒迫其躬而隕穫亂其志也乃今廣置學田視常廩不
 啻十倍凡俯仰服食之需冠婚喪祭之費靡不充物而
 又履畝有籍徵輸有程出入有經有會規畫周悉蓋一
 舉而五利焉籍沒官之產為養士之資不加賦而用饒
 利一青青子矜思樂泮水勿以困窮而踰繩檢利二生
 養遂而術業工經明行脩人文愈鬯利三釐奸剔蠹侵
 漁者無所容而士得蒙實惠利四久之而積貯日贏增
 置日廣一切歲季試賞齋膳諸費皆可倚辦其中而不
 煩里旅利五易曰利者義之和也利者可久義者可大
 可久則不廢可大則不私置田之所由名歟雖然此上
 之養士非士之所以自養也士何必恒產乃有恒心哉
 是故有穀田有心田穀田之植以人心田之植以己彼
 治田者耕而鹵莽之則鹵莽報芸而滅裂之則滅裂報
 夫治心亦猶是也誠知仁聚義種學壽禮耕脩孝友睦
 嫻之實勵忠信廉耻之節毋滋甫田之驕莠毋為伐檀
 之素殮使異日者出能經世居足善俗庶幾哉無負學
 使者置田之意而於國家建學育才之道不重有賴乎

又嘉興知縣鄭振先問發隱田千餘畝分三學案劉志金圻隱

田一千三百五十五畝張似良碑記曰府學得五頃見前學田共一千一十八畝一

釐二毫該租米一千二石六斗四升七合劉袁吳伊志同今勘

實學田八百九十一畝零見該縣學各年冊報

教諭署 在鳴陽門內禮門左廨前有泮池吳志乾隆三十

三年教諭鄺祖綬重脩五十年教諭王日桂重脩伊志嘉

慶二十四年教諭丁元采脩葺于志咸豐末燬同治中重

建

訓導署 舊基在學久廢雍正十一年公置學廨在師孃

橋側嘉慶二年訓導胡舉捐俸重脩伊志道光四年訓導

潘國尊十三年訓導陳掄英先後重脩于志咸豐末燬同

治中重建

社學 舊三處嘉靖中郡守趙瀛增建為七趙圖記府東鳳池靈光碧

漪鍾秀報忠又在北營一在四鎮常平倉側四袁志今廢

江南書院 在城南隅嘉興湯志明金幼孜陸宣公祠堂記洪

武初郡守劉澤民重建於城內實元江南書院之故址

柳志今廢

景賢書院 在陸宣公祠左詳府學校案祠遷于城中凡三易地嘉靖中始置書院

廢今

文湖書院 在閻家湖嘉靖中參議沈謐構吳志謐建文湖

書院祀王陽明集四方學者講肄不倦務在興起後學

求合于道士皆賴焉 沈氏文獻略知縣林應亮為記今廢

肅成書院 在太僕卿

賜諡列愍徐世淳旌忠祠右 徐氏祠墓志 為徐氏族子講習之所 陸

文集序 今廢

翔雲書院 在濮鎮翔雲坊同治十一年邑人內閣中書

沈梓等集資創建知府許瑤光詳撥官房十四所歸書

院為課士費本鎮絲業復每年捐釐以增益之 許瑤光為記出

嘉興通越門舟西南行三十六里為濮院鎮南隸桐鄉北隸秀水宋時乃永樂市多業機織南渡時河南濮鳳居此理宗賜第曰濮院因是得名翔雲石者院中舊物也石今失去地舊有翔雲義塾亦久廢不舉同治九年

冬內閣中書沈君梓糾紳耆勸建書院仍榜翔雲經度之始支絀頗甚瑤乃陸續查出充公房產繼之又請撥本鎮絲捐以濟用經費既裕膏火有資發篋陳書斷斷如也考濮院往昔衣冠最盛自國朝順治十五年顧高嘉得詞林外甲榜六人至乾隆二十八年濮啟元而止乙榜五十人至道光十九年曹定蓀而止近則文教頗衰聞無仕進故諸紳耆謀所以振之且謂今光緒丙子恩榜朱君善祥以鎮人得登翰苑為建立書院之效欣然生喜屬瑤為文記之瑤夙昔之見以為書院為文藝科名發也繼而思之聖門誘人自博文始延獎士自設科始舍文藝而空言義理何以為稽求舍科第而別開延訪薦辟之路恐後世詐偽日多必轉長純盜虛聲之弊今夫童子勝衣就傅父兄擇吉期送之入塾無不以學古入官童子勝衣就傅父兄擇吉期送之能默悟本原矣若復博一矜擢一第自願不與庸流伍則又矜矜自愛欲求所以荷往哲之仔肩作當代之楷模是由淺入深由外返內胥恃此也孔子云三年學不從之非輕爵也急先務也如輕爵也則天爵天理也不

應尊之曰爵矣自藉文藝以博科名得科名而汨沒其天性於是老成人乃薄文藝為糟粕鄙科名為敝屣變本者日多而憤激之談乃出於文藝科名又何尤焉然則磨厲人才而振拔學術吾於是固有厚望也襄其事者董耀昌夏清泰仲濂仲浚朱成勳沈桐沈福榮岳岳昭塏岳樹音岳廷振鄒錫祚是為記

陳氏義塾 在報忠坊嘉慶七年陳振聲延聲建今廢

雁湖書塾 在王江涇里人計楠等捐建邑令呂延慶頒

給聯額今廢

附登雲集 道光四年署秀邑訓導陳遇春首捐紳士

陳宗柏吳傳等繼之陳光鑑等復請以積存賑餘錢文

生息佐鄉會試朝考路費兵後無存今遇鄉試正科隨

時籌款分給

嘉興府志卷九

嘉興府知府善化許瑤光重輯

學校 二 書院義學附

嘉善縣學 在縣治西明宣德五年建 大清一統志 大理卿胡

槩定基 前臨華亭墉七年知縣鄭時建明倫堂 嘉善

章 八年知府齊政建文廟 黃澤記大理卿胡公既請設

於邑治之西甫定厥基會有詔召公還越二年壬子姑

熟王益來典教事謀諸邑之令佐始構明倫堂而禮殿

齋廡猶缺又明年莆田林勤分教來茲四顧榛莽獨一

堂巋然特立規制闕如白知府齊政召邑之鉅姓陸坦

者諭之坦慨然捐金以兩計者三百有奇爰市材鳩工

度卜穀旦而禮殿是營其崇四十六尺修如崇而殺其

八廣如崇而加其七經始於是年九月越明年孟夏落

成焉既而同知劉縉至日輪奐美矣規制宏矣而不嚴

其像猶為閩典坦復承命賃工肖像廟貌嚴肅儀制聿新他如門廡齋廡庠廡庖福亦以次繕葺 正統

六年知縣李遜建後堂題曰羣英會膳 餘稍闢廣柳志 天順中知

縣盧雲建櫺星門登泮池為橋吳志 成化四年盧雲復易

櫺星門以石柱立儒林坊于左八年知府楊繼宗同知

楊冠知縣畢紳重建明倫堂燕堂二齋日新習 及聖庫神

祠號舍邑民曹瓊等助之嘉善章志 十九年知縣汪貴易陞

石新門廡廚庫饌堂號舍劉志 宏治九年知縣吳傑訓導

王緒新儀戟門設廚庫省牲房增謁聖獻享兩齋登石

欄于湖澣嘉善章志 又建聚樂堂王緒為記 十年參議車明理十

一年知縣劉子厲丞潘瑜先後增號舍神廚牲房程楷為記

正德四年縣丞朱袞復侵地廡各為龕七年知縣王德

明築垣壘土為獻山嘉善章志 十六年知縣郭田丞王紀增

葺趙圖記 嘉靖四年知縣李調元築塘南屏垣三十丈十

二年知縣徐榮建敬一亭左右亭各一日靜壽動樂 啟聖祠

立亭獻山曰仰高登池曰龍津二十八年知縣于業葺

明倫堂燕堂三十五年知縣王察言重脩萬曆三年知

縣李仕華九年知縣金和相繼脩之十九年知縣章士

雅大脩嘉善章志袁黃為記 四十四年知縣徐儀世重脩崇禎二

年知縣蔡鵬霄復脩吳志

國朝康熙十一年知縣莫大勳重脩廟學建謁聖雲衢兩門

葺祠庫正直堂整泮池

袁志 莫大勳記 魏塘忠孝節 義甲于嘉禾禮樂科名聲高東

國自昔攸聞為非教育涵養者深與雖然樹德務茲敦大成裕良田不播或生穉穉此則操耒耜耜者事也歐陽子曰學校王政之本也古者致治之盛衰視其學之興廢蓋深識致治之源而為眾化所由出也今子思廣至治臨雍釋菜屢勅有司脩建學宮肅清士習豈非所見大且遠與武水自前朝宣德四年已西由嘉禾分邑始建學宮其時草創樸畧嗣後脩葺數四英人傑出代不乏人神宗末載余荆溪徐先生儀世涖茲邑實新其堂而殿廡之制備崇禎時寢頽圯晉江蔡侯鵬霄復脩之自此以還日復頽削已酉春余承乏是土覽厥荒廢不勝惋然藉眾力相率輸將不數月而樂觀厥成輪奐斯崇丹雘交映是皆聖教之大國祚之祐歟落成之日眾請壽之碑記余不敏敢以修葺之意為長若幼陳之夫學宮之設以明倫也宏壯其規以昭德也登其堂瞻其貌則欣感生焉返而內顧則媿慕形焉教之義也外以脩聖人之宮內以脩聖人之德不亦可乎此建學意也先儒有云亦有斧斲其德如斧斲其節者歟則脩之謂也且爾鶴胡前哲既已彬彬脩其

遺言景其風烈不猶茲基在前堂構在後乎繼斯擴而充之則視乎賢者之力也 又劉元瑗張邦豫為記

十八年教諭邵廷章訓導鄭觀光脩學門二十年易櫺

星門石樑二十一年脩屏牆立下馬碑二十二年脩石

岸三十四年知縣徐現麟脩殿堂啟聖祠及各祠齋舍

鄭開極閔元 賞等為記 五十三年知縣梁文熈重脩殿廡五十八

年知縣孫錦脩啟聖祠明倫堂兩齋易磚牆一百十丈

雍正八年知縣邵煜脩塘南牆岸 嘉善 柯志 十二年知縣羅

緒重脩建奎星閣 蔣振鷺 為記 乾隆八年知縣陳以剛脩葺

二十六年知縣梁徽倡脩二十七年教諭郭瑞齡重建

仰高亭三十五年知縣董鈞教諭諸克任重脩嘉慶三

年知縣萬相賓重脩廟學增建德侔天地二坊于櫺星

門外遷名宦鄉賢祠于奎星閣後更泮池環橋建肆雅

養正二齋東西與日新易崇聖庫為禮樂祭器庫伊道

光十五年知縣李東育率紳士黃安濤周以忻等重脩

廟學並脩土地祠仰高亭及四面圍牆明倫堂下發以

方石櫺星門外增石版石欄子咸豐間毀于兵燹同治

二年知縣傅斯懌訓導章朱紱督飭武舉錢錫圻廩生

孫葆澂等籌款重脩大成殿櫺星門明倫堂並建復兩

廡大成門及周圍牆垣悉如舊制十一年教諭汪繩武

訓導張鼎元捐置祭器

崇聖祠 在殿後西北隅本明嘉靖間啟聖舊祠

國朝雍正二年增葺嘉慶三年知縣萬相賓勸捐重脩伊志

名宦祠 在文昌閣之北舊建于學明正德十二年縣丞

倪璣移置思賢書院趙圖嘉靖十五年知縣徐榮遷建

文廟戟門左嘉善于志

國朝光緒三年教諭汪繩武重脩 祀宋洪皓黃灝明胡榘

鄭時楊繼宗汪貴聶如斌楊懋李錫倪璣陳道基周宋

許鎡金和章士雅謝應祥康元穗何士晉李陳玉

國朝莫大勳盧崇興又通祀總督朱昌祚以下十一人詳府

五人萬志增六人考浙省通祀者凡十一人是應增者

梁徽于志增 憚敷新

鄉賢祠 舊建于廟戟門右今在名宦祠西北嘉善楊志 光緒三

年教諭汪繩武重修 祀唐陸贄陸展嘉善倪志增 宋陳舜

俞聞人宏婁機明楊任孫詢項忠施奇任泰劉侃於玘

錢春陸邶沈槩沈爍孫朝宗孫朝二顧熊丁寅丁賓支

大綸葉繼美袁黃夏九鼎李奇珍莊則孝孫光祖計元

勳蔣英魏大中魏學泚魏學洙郁本宗王周官徐聞韶

李奇玉曹穗曹勳陳龍正夏允彝柯元芳朱廷旦郁調

元徐爾毅錢棡丁鑛陸維祺陸敷樹

國朝孫在鎬柯聳孫籀曹爾坊沈應震魏學渠陳華育沈志

高龔在升金皋謝沈辰垣孫榮陳霆萬以下嘉善戈志增 孫衍

張王典伊志云案吳志載五十八人今從縣舊志增四人新增二人合六十四人許椿于志增

忠義孝弟祠 在明倫堂西北隅崇聖祠左稍後

國朝雍正四年知縣張鏞建十年知縣楊繩祖脩嘉善戈志 光緒

三年教諭汪繩武重修 祀明支茂凌孝子孫顯陸琦

支立周玘章普音顧昌孫忠鄒昊江吉高泰陳謨孫奎

沈稱蔣裔孫峯徐鵠倪津孫嵐錢繼科丁鉉蔣茂陸靈

海毛尚質孫朝寵錢繼振吳德賢趙秉智朱國望柯茂

林顧朝樞孫紹祖丁洪夏夏繕錢棡魏學濂魏學洙孫

應文毛士龍張念省沈大政孫纘祖支允堅蔣蒔葉承

芳孫枝良郁性善孫世蕙沈泓周謨錢淳陸應賢徐爾

穀孫世選沈春山李標葉守德金文遠孫鏃王任相郁

期毛尚忠孫麒孫叔呂毛士麟湯芬欽定勝朝殉節諸臣錄增

國朝沈受祺錢楞錢棐蔣玉立陳五達魏文焜王璋張邦豫

朱紫蔣睿程光祖丁策孫葉張元默蔣鳴西葉汝訆戴

大用張履綬汪士俊錢遴孫廷鑿孟春和張鶯龔廷鈞

張鴻隱錢永善吳熏徐善建夏慥汪文源錢永懋孫肇

薰丁穎注劉孝夏照程文劉萃葉世榮吳廷憲夏默毛

正學陸淮葛道明葉廷棫李濤曹鑰高標孫咳張元杰

陸樹本程高澤朱績何業成李大憲孫之湛戴家理蔡

浩陸自誠錢揆沈廷楨夏惠疇鍾之榛錢士壯劉藻劉

傅彪曹春陳仁願以棻孫復輝沈馨傳以下萬孫珩陸志增

坦王尚賓伊志案知縣張鏞查報允祀者明六十二人

允祀者明四人 國朝三十二人 刊褒祀編知縣李天桂報增明一人 萬志增三人 合一百四十八人 刊懿行編又

射圃 明正德間知縣郭田立在燕堂北有觀德亭呂屏為記

嘉靖間知縣徐榮移于啟聖祠前建正直堂明浙江通志

學田明嘉靖間知縣于業陳道基邑人盛唐王尚賓隆慶中教諭倪以和訓導黃利見高善邑人馬中驊萬曆

間邑人倪應選陳應禎黃炤 項德純李宗陳先後捐置 共四百二十四畝八分有

奇計租三百五十九石二斗有奇嘉善章志 天啟二年丁賓

捐腴田百畝袁志 又丁司空姪九玉亦捐田五十

餘畝入義學案楊廉縣志云義田共六百三十畝四分

五釐零加虧一十九畝實辦糧田六百四十九畝八分

六釐吳志依此額載案戈鳴岐縣志云丈實田六百二十七畝

五分零義學田五十四畝六分四釐零鄉賢田五畝五

分共丈實田六百八十七畝六分四釐零內積荒五畝八毫計加虧辦糧田七百二

十畝四分三釐三毫萬相賓縣志又有亞聖祠田十八

畝亦歸併于學外官房二十六年納租銀二十兩六錢地

一畝二釐折租銀二兩六錢四分自明嘉靖沿今歷載

縣志伊志今勘實學田六百二十七畝零並無加虧辦糧名目亞聖

祠田二十二畝零官地民租造房三十二間見該縣學冊報

食德義田 道光三十年教諭張錫戊捐俸置田七十一

畝七分五釐收租為季考諸生膏火之資名曰食德祠

產同治二年訓導章朱紱復勸捐增其數共田一百四

十二畝一分五釐

教諭署 在碑亭左康熙三十四年移建五十九年知縣

趙永參教諭沈雲鴻重建嘉善戈志案章士雅志舊在明倫堂左儀門外有池為

文水注入教諭徐牧所濬今湮伊志 嘉慶二十三年教諭張銑修葺于

咸豐間毀同治四年署教諭周和請款重修九年教諭

汪繩武脩葺書室五楹

訓導署 在甬道左偏司教署南康熙三十六年知縣徐

現麟建伊志道光三年訓導沈金淮重脩于志咸豐間毀同

治四年訓導章朱紱請欵重脩

社學 在布政分司後嘉靖元年知縣郭田建十三年知

縣徐榮設十所嘉善于志先是正德十二年縣丞倪璣建平

川風涇二社學趙圖記萬曆二十四年知縣章士雅創四

鄉常平倉各設社學嘉善章志又北城劉公臺旁為社學今

並廢吳志

思賢書院 在縣治東正德十二年縣丞倪璣建浙江通志其

游息之所曰學禮亭養蒙館清風樓趙圖記志學堂

卓然亭漱芳亭愛山圃北截魏塘河登池架梁列石植

樹亦邑中勝槩又有名宦鄉賢兩祠嘉靖間遷入學改五賢祠

嘉善章志崇禎中邑人陳龍正新之吳志後為同善館失

講學初制矣嘉善楊志

國朝康熙四十三年知縣于舜枚脩設義學五十七年知縣

孫錦脩改經正堂為義學吳志雍正四年知縣張鏞增建

節孝祠八年知縣邵煜重脩今廢嘉善戈志

鶴湖書院 在北門外明崇禎十年知縣李陳玉建浙江通志

中有觀易堂德行教事堂五雲閣鳴鶴樓明德齋親民

堂水鏡樓大學樓聯奎樓至善菴又有掌園射圃後為

謙湖魏塘紀勝參今廢

魏塘書院

舊在城內東南隅大安坊乾隆二年知縣張

聖訓捐貲購程氏別業置中為城南講堂南為軒曰敬

業樂羣東為萃古樓當牖有紫雲一峰岫立亦稱紫雲

樓下為他山書屋前後為生白室洗心亭西闢齋曰虛

受面池有閣曰衡殷朔望集諸生講學延山長課士于

此張聖訓嗣張公被論去士思其德建祠祀焉後圃為

明李奇玉講易處亭曰點易八年知縣陳以剛重構題

曰梅花亭邑人捐置田一百九十畝有奇詳見備稽錄二十

六年知縣梁徽重脩二十九年知縣劉臻再脩邑人復

捐銀生息助費司事九姓世繼弗替伊志嘉慶十三年知

縣張青選重脩道光三年知縣張邦棟倡捐大脩邑人

黃安濤黃若濟經理其事道光十一年署知縣張如梧

捐置桌椅周備十九年知縣賴晉重脩于志咸豐十年燬

于兵燹同治二年知縣傅斯懌改建于北亭坊額曰北

亭講舍中有堂有廳前後有樓為屋三十二楹清理舊

時田產為延師課士費斯懌及董事復勸捐增置現有

田六百三十九畝五分五釐詳徵信錄邑人屠以銓許元杰

孫葆澂魏鈗分年經理

陶氏義塾

在陶莊

吳志案魏塘紀勝宋紹興中陶文

廢

吳氏義塾

在魏塘鎮

嘉善章志 案續文獻通考元吳

間廉訪使以名聞表其門曰義士嘉興湯志大德七年

戴氏義塾

在郡城東北

浙江通志 案嘉興湯志至正

溪黃伯成主教事捨贍田五百畝黃潛記處士戴某規

創義塾其子光遠因其經畫度地于鎮東若千步廣袤

可二十畝先聖先師之殿峙其中講堂踞其後齋廬翼

其傍遂廡穹門下至庖湍庫庾直舍之屬為屋總四十

有五間圖史之藏什器之須纖悉畢備乃延儒師招來

學用仲丁行釋菜禮退即講席俾序進而請業焉四齋

職教者各一人生員恒百五十人今廢

陸氏義塾

在汾湖陰宣德中陸坦建

趙圖記 陸氏家故饒至

孟琛益尚儒雅嘗曰使一鄉之人皆知學則風俗自變

風俗自變禮義自生又曰好學者人情皆然也顧其力

弱無所從遊而怠廢耳使有遊學之地不翁然相從如

歸師也告于其里閭後進小子願學者率詣焉懼其無所

資給也割常稔之田若干畝歲收

程氏義塾義莊

在城內環整坊道光九年職員程學洙

建捐田一千五百餘畝飲經費併以贍族詳院具題奉

旨優敘

沈維鑄序 國家彰善旌淑凡匹夫行義於家能置田

千畝以上施貧活族例得奏聞 褒錫所以使民

篤本支敦親睦也夫敬宗收族自古為昭其有敦一本

術者不能故慷慨使親疎遠近各得其所非以仁心行仁

式而得稱道也嘉善程君素葦奉其先人遺訓置

田一畝五稱道也嘉善程君素葦奉其先人遺訓置

有奇規模條畫悉備大吏為請于 朝奉

成程君乞于為記子乃為之言曰自范文正公創立義

田遂為千古贍族之良法然我觀元明以來踵而行之

往往不能如范氏之久遠豈非德薄流淺而經畫之未盡其宜歟公之初立義田也族止九十餘人得以人遍給厥後族姓繁衍於是司事者為之限制而寓勸懲之道焉蓋仁至而義裁之司事者為之田所以至今勿替歟今程氏義莊規條大約依倣范氏又捐腴產若干畝別設義學以造就通邑人材凡貧不能具脩脯者延明師友教導之是又足以廣學宮之教而崇養正之術矣易曰積善之家必有余慶歐陽子曰為善無不報今程君之贍恤族人也如彼引掖小子也如此吾知奕葉子孫其力學慎修後先繼起當必有以植行慰程君之望者正不獨高第華門侈一時鄉族之盛也至義田立法之善且久則已詳列規條中余故不具著云

新義塾 一在訓導署前同治中建每年知縣學官分助

銀米為塾師脩脯 一在縣治東同治二年知縣傅斯

憚飭董脩建塾中設四齋分課生徒邑人陸續捐置田一千四百十五畝有奇地三畝有奇

附登瀛集 邑人公捐田四百畝零為寒士鄉試路費以

三年之租餘作一科之分饋再有不敷隨時集飲以益

之詳徵信錄

海鹽縣學 在縣治西南元元貞中改建大清初唐有

夫子廟在縣東南吳越時廢海鹽圖經原注舊廟在縣

東二百步宋太平興國中主簿攝縣事石知一建案宋志舊

縣學在烏夜鄉景德二年令翁緯以廟逼農田移建縣南翁緯

嘉祐八年令褚瑄立學于東南褚瑄記富而後教古之

土眾若歲差旱則禾盡稿而人食貧矣能備其患然後可以議教于是周砥四境凡可以儲水溉田處悉鳩眾力以浚川既而境內豐穰民用給足皆遷思回慮靡然有向善之心父老有造庭而言者曰宣聖舊祠壞久弗

葺願易其地增置學校誨我子弟庶幾有立凡一材一物之費悉自營辦予從其請得勝壤于縣之東南隅冬十有一月經始明年夏五月訖工廟像尊嚴學舍闕遂講有堂齋有次賓位小學立于西偏巒膳沐處之東庶祀物什具罔不完備將以延先生碩儒傳道授業使學者日見所未見日聞所未聞而業廣道充可以俟朝家之選紹興十五年令徐光實新之仁好義復禮近智

民為記 隆興二年合劉銓遷於縣南堂曰傳道後令魏

汝功李大卞繼成之淳熙十五年邑丞李直養新廊廡

紹熙元年李自丞遷令脩大成殿立小學置書籍祭服

進士題名碑後改明倫堂 謝謁記秀州海鹽既脩縣

學掌教官四員職事十員齋生三十員合辭遣介走二

不記蓋侯初來為丞嘆學之敝而縣事李侯之功有不可

其勞未幾諸司以才推擇得旨竟縮銅章于是經營不

愈于素夫州縣有學所以為多士求仁之地也仁本性

生而失其固有者眾人不知有以求之為政之人不知

有以導之而仁晦矣今李侯為斯邑鼎新乎求仁之地

俾士得以藏脩其中六經為仁之書五典五教為仁之

方自家而國而天下為仁之序學者日之所見升降揖

遜無非仁焉如參于前如倚于衡朝夕寒暑造次顛沛

必在于是上之可以致君下之可以澤民窮可以善其

身達可以兼善乎率士之濱經曰為仁由己又曰吾欲

仁斯仁至矣求仁于學其獲則易故學之為效明禮義

移風俗召和氣而致太平有不難者侯既立學復建小

學所以領袖百而致內耳習慣父教其子兄語其弟

長老訓其後生循循然惟仁之歸侯之意豈不廣哉侯

名直養世家維揚學經始於元陞州學後至元初教授

紹熙元年冬明年六月告成 元陞州學後至元初教授

呂德裕知州賈禧大新之作櫺星門採芹橋 趙圖記

經乾道劉銓遷學即今地而宏治柳志及嘉靖浙江通志俱云趙孟貫呂德裕所遷為今學考陳旅碑記趙孟貫未及興作後知州賈禧與德裕繕成且記明言故構垂圯莫不更治殿門東南舊祠守神遷築西南以故祠

嘉興府志

卷九

學校二

三

為謁聖脩容次則學固未嘗遷改自柳志誤閭文後
 之省志郡志多沿其誤矣陳旅記海鹽州士韓允元
 等致書旅曰昔吾州之為縣也宣聖廟在縣治之南餘
 東別有學今學麗于廟者前代之所并也學有田萬餘
 畝至元內附之初民乘間據有之利之歸也我者十無
 二邱元貞元年縣陞州以學為州學設教授大德中教
 授邱世良等始復田延祐三年鄧文翁典教事田盡復
 帑庾既實乃新宮室之壞者今二十餘年不加少歲
 不恒歎而資用弗充稱貸彌重元積弊莫或弭之顧
 爾室翹翹殆不可禦風雨矣至元再元之廉訪詹思得之適
 德裕文僥為教慨然有作興之志廉訪詹思得之適
 行部之州得之儒者又嘗知文饒而新州賈禧吉甫
 尤以崇文為務授于封者悉懲而徵之深者剔之弊
 之積者鋤之佃田而自教授喜曰天其相吾興廟學乎于
 益自盈是歲又有年教授甚備經始于一里許遺此僅存
 是鳩工市材繕成大殿治官廨距廟一里許遺此僅存
 夏成故宋縣學設主學有官廨舍以居文饒以諸生請
 以故宅為學官者設於廟旁近儲舍以居文饒以諸生請
 遂買宅為廨計自經葺以至五十人為費亦殷矣然宿債畢
 庚士虞仍繼弟子員增至五十人為費亦殷矣然宿債畢

又言教授處已以嚴行事有節用錢五十緡以上必稟
 于州頑獷者畏而服之善愿者悅而助之故能化窘為
 裕而卓然至正元年知州陳某作大成樂昔為縣時既
 有成若此立學而廟祀孔子逮版圖入職方朝廷以其地大人夥
 易縣為州而廟學之制猶循其故禮具而樂缺有司以
 吏議所不責久寘弗講至正元年夏四月陳侯某來知
 是州首務興舉學政問其籍則為士者百家為田者萬
 畝問其春秋之事則有牲幣而無樂侯為之惕然與察
 佐延諸儒共圖之僉言儀真周君者善樂事老而不
 仕寓跡于雲間欲正雅樂非周君不可侯即俾持書幣
 迎致焉君曰樂以導和不和不足為樂僕觀江淮間所
 用樂雜出于伶人賤工之手器不中法音不中律左右
 高下參差混淆惡足以致和哉苟徒捐厚費而飾虛文
 僕弗為也侯曰作樂以和神惟君言是聽君乃為考其
 數度齊量範金為鐘而協以古律管彼此適均吹其律
 而鐘自應至于琴瑟亦悉自制惟笙磬之屬擇善工使
 受指畫而為之集諸生三十有二人教之肄習而以明
 年春二月上丁合奏明復為縣學通志洪武三年邑
 焉在列者無不欣豫學校二

嘉興府志 卷九 學校二 洪武三年邑

令王文教諭孫復初新之堂仍日明倫省二齋仍復禮改由義永樂間知

縣上官廉修明倫堂知縣秦恭脩大成殿劉志宣德六年

知縣厲肅復脩大成殿海鹽仇志海甯衛指揮郭璵嘗脩之

海鹽圖經正統十二年知縣曾昌建神廚宰牲房于戟門左

右柳志景泰四年教諭王恭改建門樓于東南劉志成化六

年御史劉珂知府楊繼宗命知縣楊克敬新殿廡堂齋

及宣公祠文昌祠東北為庾舍西北為饌堂柳志甯記海鹽張

自宋建學至國朝凡十一遷脩成化庚寅郡大夫楊繼

宗等方欲脩舉會監察御史劉珂參政甯良僉事周正

方行部視學盡撤餘易以柏木中立明倫堂南徙中

門北徙後堂東建復禮齋西建由義齋西北隅為饌室

東北隅為廩庾肆舍在西際南上廡舍在東際北上復

宣公祠于廟東仍文昌祠于廟西重門翼廡垣屏周肅

左殿右堂廟學均稱自經始至告成僅五越月而吾邑

無所于歸其適也嗟夫學校者士之家也人而無家則

之地陶以禮樂期以科目待以祿位使有定詣所以收

天下之材而一其歸也當周盛時鄉國有學賓選以時

德行道藝天下皆若人焉及其衰微以至戰國王政不

行庠序廢熄士始變故求通放為遊說驚為戰爭流為

異端聚為食客波流靡靡知藏老遜而莫之振皆由乎

士之無家也及秦厭縱橫之術一切焚書坑儒專尚法

令士之所學一無嚮用絕于授受或就擾鋤或附刀筆

或困為卒伍或迫為屠傭苟避時禁不復審義一旦倡

謀起事大約皆出于無家之士使其初不務除絕而務

反古以居之則跋扈踰閑者固皆曩時賓興之賢能也

何至空國而速亡哉漢唐以下學校僅舉科目多岐士

嘉興府志

卷九

學校二

古

為家以死為歸不特不為他適而已也嗟夫秦宋之國勢強弱不倫而其廢興得失之故乃爾士果可使之久無所歸也哉洪維皇朝繼周邁宋學校遍于海內所以陶養期待乎士者舉天下而一之無所不用其極海鹽雖地薄民聚居無厚貲然比之疇昔人皆安土樂文俗尚明達風化日臻而不動以非義者學與士之效也諸君子以士入官仰體至意果能興弊起廢使吾黨大康其家而終為吉士之歸是不獨一州之美雖達之天下可以善政稱矣甯故弟子員也舊家有光深復自十九慶因記敘其事而刻諸石凡吾同志益歸乎來

年知縣謝萬貫以舊饌堂為教諭宅移建明倫堂東北二十年知縣徐樸建大門于外海鹽仇志宏治二年分巡僉

事伍性檄知縣譚秀撤新殿廡塑像劉志又知縣王璽易櫺星門為石柱海鹽仇志嘉靖中建敬一亭啟聖祠劉志十年

知縣夏浚重脩又知縣何思謹繼新之海鹽圖經隆慶元年

知縣李薦佳大加葺治海鹽仇志有記今無考萬曆五年知縣饒

廷錫改敬一亭于廟後并建會講堂署通判張繼芳改

移大門儀門泮池劉志又知縣李當泰喬拱璧脩學拱璧

又脩祭器海鹽圖經三十四年教諭陳九級裝飾聖賢像劉志

天啟元年知縣樊維城脩學及樂器吳志

國朝康熙初年知縣湯其升重脩海鹽續圖經彭孫通為記三十年知

縣李鍵重脩乾隆十三年教諭駱志适濬泮池補葺池

闌十九年知縣蔣祖培立石坊于櫺星門左右西曰禮門東曰

義路並置石闌拓宮牆基闢街四十年知縣何肇灝倡脩

殿廡祠閣門垣六十年知縣任澤和請帑重脩廟廷如

制伊志嘉慶十六年知縣張宗軾倡率邑紳捐脩兩廡二

十五年知縣饒芝倡率邑紳捐脩大成殿道光五年知

縣楊國翰倡率邑紳捐脩明倫堂于志咸豐十一年燬同

治五年知縣張蕙圃虞慶瀾等先後請款並勸捐重建

廟學規制如初顏宗儀為記

崇聖祠 舊在聖殿北嘉靖四十年知縣何思謹移建廟

門東海鹽仇志

國朝康熙三十年知縣李鍵重建雍正元年增葺伊志嘉慶十

六年知縣張宗軾率邑紳重脩于志

名宦祠 在戟門左 祀漢蘇章白沃使君吳步騭晉鮑

陋宋王孚齊孔僉周容梁劉霽蕭特陳徐份唐劉長卿

姚南仲李諤宋魯宗道李維幾范世京何執中喬大臨

朱良姚憲丁安義蔣行簡邱耒徐光實劉銓李大卞趙

汝愚李直養陳仲微朱夢炎元顧泳李衍呂德裕龐嵩

明吳復上官廉陳諤林榮王端莫震孫芳楊克敬譚秀

陳暹王璽嵇綱辛九齡張濂呂湯民夏俊朱實昌張翹

鄭茂王宗載饒廷錫楊繼瀾蔡逢時王臨亨喬拱璧田

升年李當泰何卓樊維城楊瑄

國朝毛一駿張素仁盧崇興趙廷臣蔣國柱又通紀總督朱昌祚以下十一

人詳府名宦

鄉賢祠

在戟門右

祀晉于寶唐顧況宋常同常楙趙

孟堅元沈嗣昌明劉儼朱侃張綱劉泰張甯倪容鄭延

劉瑋朱祚吳昂錢琦鄭儒泰鍾梁沈蒙鄭曉錢薇劉熠

錢术

即劉

徐鷁馮皋謨劉玠祖晟朱朴許相卿張季文

湯彬鄭履淳鄭履準許聞至李星朱學道沈藻賀南儒

賀岳徐燾吳霽朱正學虞志曾虞紹唐徐應奎祖彭年

王廷俊陸鼈來倪政彭紹賢沈宏遇王文祿吳中偉謝

錫教彭宗孟張奇齡徐從治賀萬祚曹憲來呂元善朱

元弼朱泰禎劉法俞之泰錢陞陳言李毓新陳所學劉

仲鎮朱茂明馬繼武徐同貞吳品曹名卿吳麟徵

國朝張惟赤張皓錢爾復鄭應生錢同文吳麟振何澄查培

繼朱延坊徐琨陸廷錫朱淑文鄭宣吳甫及朱袞錢瑞

徵何其仁費仰泰朱琨

以上

翁允元劉仲履

從續圖

經增

案伊志列費仕查雍正五年部行陳昌懋蔣正
開費仕費萬程因載割股事實俱不留祀今刪

忠義孝弟祠

在鄉賢祠西

國朝雍正元年奉文勅建嘉慶十六年知縣張宗軾率邑紳

重修 祀宋常同明劉鳳劉泰張甯常麟張敏劉璋許

相卿錢芹鄭曉吳中偉彭期生徐從治吳麟徵朱泰禎

許士奇曹履泰徐一源湯雲章湯芬

遵

欽定勝朝

國朝張行健張洽

伊志以

陳希敬朱右賢曹為鉞沈炳垣

新

俱忠 唐陸南金陸趙璧劉儼明曹仁陸宗秀潘允濟崔

永胡寬胡宏陸平世章輝仇武昂仇必達仇必顯仇必

侃顧薇朱文才徐藻沈孟賢顧萱張亨沈藻吳之英蔡

維祺周紹宗鍾鴻穎張調元陳悃周至德

國朝徐乾貞李商玉崔王貞許雄朱廷采伊志李應占朱星燁

于志以上孝弟 案舊志列陸感陸梁考趙圖記仇志

載祠中碑刻作陸感父梁子南金趙璧脫一元字又以

梁為元感父名謬誤甚矣且南金兄弟以匿盧崇道事

射圃 在櫺星門東南嘉靖十年知縣夏浚廣之趙圖記舊

有觀德亭海鹽仇志久廢

小學 宋紹熙四年知縣李直養置趙圖記施棐記海

君下車期年既修治學宮羅致一邑之士而教之一日

顧謂諸生曰小學之設所以因其良心而訓迪之今獨

無有宜其習俗日薄此無他失其良心也諸生奉教曰

國朝康熙三十年知縣李鍵立義學于啟聖祠後伊志

學田 宋萬餘畝元初民據有大德中迄後至元間相

繼盡復吳志陳旅記州學故有田萬餘畝至元內附

延祐三年鄧文翁為教授事田盡復至元再元之三年單

徵之租入既盈于是繕大成殿築守神新祠作櫺星門

采芹橋故宋主學官廨距廟里許今買廟西民宅為廨

增弟子員至五十人皆食而教之案圖經載碑陰田

一百五頃七十八畝租一千八百八十三石四斗六升

學校二

嘉興府志

九合田多而所入元末又沒豪右明建學有田自隆慶則薄未悉其故

問司訓高梓始袁志知縣鄭昊范梅相繼助田吳志梅為記

萬曆二十八年知縣李當泰增置學田袁志海鹽故無學

田隆慶問師生自置田始有田僅五十一畝有奇一時

義而入者七十二畝有奇歷今三十年沒而入者三百

五十三畝有奇實為田四百二十三畝有奇夫以師

生之自置田也鄉人士君子襄之郡邑學憲共成之而

豪有力者猶將旋入旋出以自解去予悲士之終不迨

而虛左以俟後君子用堅持其末也故悉其額于下方

三十一頃尤上腴官生鄭心材義輸也吳志田額從之奇

田十九畝九分六釐海鹽續圖經案縣志原額田五

一兩九錢零前明輸田者捐租而未授田後裔式微分

甚雍正十三年間疊籲請豁奉准豁免田一百八十三

畝一分四釐計免租銀七十一兩五錢八分同治六年

奉准豁免無着學租銀九十六兩四錢

教諭署 在明倫堂後東北隅乾隆六十年教諭包慶長

請借俸重脩伊志嘉慶十六年教諭翟元重脩于志咸豐間

燬同治間重建

訓導署 在土地祠西南隅乾隆六十年訓導金溪請借

俸脩葺伊志道光九年訓導來清曙倡率邑紳捐脩于志咸

豐間燬同治間重建

社學 明城鄉各有社學吳志在城一各鎮常平倉側四劉志

廢久

嘉興府志 卷九
國朝雍正二年知縣王仕正建龍神廟義學王仕正為記

觀成書院 在西門外蔣家橋康熙五十八年邑人張元

熠捐置知縣梁澤為義學設義田梁澤為記乾隆四十一年

將田房併入蔚文書院遂廢惟張墓存院後伊志

蔚文書院 舊在資聖寺橋南乾隆四十一年邑人徐文

錦翔捐房屋一區及田三百五畝四分俱狀得請併觀

成書院原屋一所田一百七畝二分又紳士捐田一百

十二畝零又買田十二畝今共新舊田蕩六百八十五

畝零嘉慶元年知縣任澤和時臨講課增取肄業人數

費每不敷歲捐以伊志道光四年知縣楊國翰捐廉增

廣生童肄業名數十八年士人集貲重修咸豐十一年

燬于匪同治十三年知府許瑤光撥款並集捐購買南

門內高槐橋民房改建

海東里塾 在資聖寺橋南道光二十八年里民高泰捐

房屋一所並田一百畝知縣段光清為立條規今里人

續捐共合田一百五十七畝四分八釐

崇德里塾 同治三年里人趙衡銓翁聲臯等捐田二百

七十四畝零充經費設塾延師課孝廉後人之無力者

十一年以田畝暫歸蔚文書院

馮氏義塾 在縣治東浙江通志去治東十八里趙圖記今廢

平湖縣學 在縣治東明宣德五年建大清一統志吏部員外

郎余亨卜基創講堂柳志九年縣丞孫華率邑人陸珪沈

吳建大成殿兩廡案温純記云平湖學宮自縣人陸珪始又云初建縣力不及廟學珪曰范

文正以其宅為吳學矣吳與其資豐後人甯佐公家于

是捐建大成殿又同沈吳佐建學宮則一統志所謂宣

德五年建者當即珪與吳也其成當在九年正統九年知縣徐韶重脩天順

六年知縣張甯于殿西改建明倫堂兩齋經義及儀門

學門移前稍東成化十年知縣郝文傑建戟門櫺星門名宦

鄉賢兩祠平湖程志十九年御史劉魁置地以拓門逕立儒

宮坊柳志嘉靖中知縣周仕脩之趙圖十七年知縣黎循

典建敬一亭啟聖祠鄭曉為記三十年教諭韋鑾建魁星樓

孫校為記三十九年知縣陳一謙建學倉劉志四十二年知縣

顧廷對增門欄立文明坊建龍吟閣高七十尺袁志萬曆

九年廟災知縣劉士瑗更建劉士瑗為記十六年大風祠廡

亭閣圯知縣江環脩兩廡二十年教諭吳迪甫脩門欄

知縣黃焯脩敬一亭啟聖祠儀門重建龍吟閣平湖張志

羅尚忠龍吟閣記言颶風圯萬曆壬辰復建前志失載吳志因碑立乙卯遂誤為四十二年

年知縣黃焯重置祭器平湖程志三十一年知縣王羲民葺

學沈懋孝為記三十九年知縣朱欽相重脩教諭張蔚然種

柏四十二年署知縣沈鳴韶易護闌以石平湖程志天啟四

年知縣顧國寶重脩施鳳來為記教諭孫啟文脩鄉賢祠孫啟

文為 崇禎元年知縣程楷重脩六年教諭方允昌作泮

池夏六月颶風作廟廡圯七年知縣賴垓留羨金邑人

各捐助歷知縣黃士藻吳春枝始竣工 平湖廟學志

國朝康熙十七年邑人共建啟聖宮築牆陸光旭獨成禮殿

二十三年巡撫趙士麟檄知縣陳時夏次第監脩 姚涇記

二十六年教諭姚涇熙補祭器 平湖志 三十八年知縣王

瑋脩學及坊門五十七年巡撫朱軾知府吳永芳飭置

樂器 吳志 邑人建韓文公祠六十年知縣林緒光脩泮

池登石闕雍正六年攝知縣白環署知縣方以泰先後

監脩三載竣工 陸奎勳記 以宏堯舜之治于是當路諸公莫不仰

承 德意崇聖興學獎勵生徒以佐雲漢昭回之

至化邑人士歡欣鼓舞輸材殫力固分義所當然也余

族侍御稼書先生接程朱之道脈從祀兩廡吾黨聞風

興起上之希聖希賢次亦勉為醇儒善士出則致主澤

洽炫詞章以釣名干祿乎哉 雍正十年學政李清植飭

添祭樂器乾隆二年知縣王之琪增置祭器八年知縣

高國楹脩泮池石岍宮牆 平湖高志 又邑人捐置銅祭器 平湖志

張 二十四年知縣李納璧議脩邑人屈天成等倡助二

十五年知縣劉純煒始竣工三十四年知縣周昭仔脩

葺重建戟門 周大樞為記 四十六年知縣嵩福重脩 沈初為記 又

邑人張誥兄弟重建兩廡 沈初為記 五十六年知縣王恒脩

補祭器 平湖志 嘉慶二年知縣李賡芸監脩櫺星門石欄

伊志七年重脩大成殿崇聖名宦鄉賢三祠及明倫堂八

年邑人張誥捐脩西廡十九年邑紳重脩大成殿二十

三年知縣劉肇紳教諭章鈞沐訓導程夢麟捐脩經義

治事兩齋肇紳有記道光十五年邑紳公修大成殿櫺星門

十六年邑人施鏞黃世恩等復于櫺星門石欄外建設

櫺桓長十三丈有奇又于河口列樹為表下設石欄二

座徐光濟捐修明倫堂并添修祭器十九年邑紳重脩

兩廡咸豐末遭兵燹悉毀損同治四年邑紳徐鼎基等

集資統脩規制如初

崇聖祠 在大成殿西北明倫堂後舊名啟聖

國朝雍正六年脩建改今名伊志

名宦祠 在櫺星門東偏 祀明梅清林光熊卓周仕曾

曙楊挺高喬登劉存義顧廷對李實劉士瑗洪敷文朱

欽相羅尙忠陳熙昌程楷柴世皋

國朝陶鑄呂猶龍盧崇興通祀總督朱昌祚以下十一人詳

柱詳見海鹽 伊志案吳志平湖名宦惟陶鑄一人平
湖王志稱舊志失載巡撫呂猶龍今補考浙江通志呂
猶龍康熙六十一年以福建巡撫調浙江抵任而歿今
平湖得祀名宦以其先曾任知縣也詳見平湖名宦實
畧

鄉賢祠 在櫺星門西偏 祀宋魯文謚明陸宗秀劉志增

沈琮沈肆馬璇沈棨許盛倪輔陸珪俞迪屠勳過璘吳

佐馬昆吳軾馮俊陸銀陸淞沈煉屠奎孫璽屠垚趙漢
 屠應垣陸琳陸杰劉圮孫校陸鼇姚筐馮汝弼趙伊沈
 垣俞咨伯孫植陸杲陸光祖陳善道屠仲律曹禾陸光
 祚俞南金陸珂馬瑀沈宏光馮敏功張大忠朱志及鄉賢實畧增
 沈懋孝孫從龍陸鮮馬千里馬千乘陸萬垓孫成泰陸
 志孝馬應圖戈用泰王言陸文典陳泰來陸長庚馬維
 銘馬維鉉金錫陸基誠陸基忠陸基恕陳九韶施應垣
 施鳳來陸光弼馬德澧馬德澍毛應銓劉希聖過厚金
 汝諧沈萃楨陸鍵郭日乾陸澄原沈瑞鑿陸懋功陸錫
 明徐子方徐子章胡友忠陸燦馬嘉植陸清原金德普

李天植楊兆梧馬嘉楨陸山陸萬原陸本邵朗

國朝陸啟麟倪承裕陸濬睿沈棻陸大柱邵延齡陸隴其從

祀東廡 沈夢麒顧人龍高士奇高輿二人高志增程伯鑄吳志

一百六人從劉志增一人朱高沈初于志增黃鳳陳嗣龍朱

為弼徐士芬倪承弼方垞顧廣譽朱善張張兕誠以上九人

新

忠義孝弟祠 在司訓署西南雍正四年知縣楊克慧建

平湖張志 祀明周翼明陸燦康承爵陸上鉉陸清原陸凡

遵節諸臣錄增以上忠節 宋魯文謚明沈珍陸宗秀沈昊

屠機江濟俞廸孫佐鍾鳴遠潘璧陸平陸杲楊陞俞錦

張濤陳增曹臬韓文陸屋陸序魯烈沈維錡沈維鈞陸
光宅劉麟陸基誠李爌陸珂陸文典郭日乾倪維城施
應填曹鍾鳴陸長春陸瑞銓倪士顯沈紹閻過厚曹繹
祖胡嗣璜劉亮采

國朝張冲元張甫陸其燧以上忠義四十四人元過宗一明沈渭沈琮

沈燮馬炯陸銀郭球過橋孫璧林雨陳謨沈思孝秦涇

楊志英俞懋脩俞永言馬瑀陸錫命時敏曹伯來胡士

奇胡士章毛應銓陸萬源馮伯禮馮伯禋劉希聖陸基

志俞志皋張熒陸文相馬香陸萬達陸燭馬維鉉陸大

銳陸大鋈趙邦秩沈瑞盤馮洪業俞煜楊兆梧陸傲孟

顧之琦姚舜宣

國朝湯自梁陸本金式玉陸徵誠顧明傑沈日芳金赤徐昱

屈希平王棟馮錡以上伊志孝弟五十六人案平湖張

遠無稽就祠主凡百五人分列敘次增明一人合一百六人張世昌吳元凱方樹業

陸汝灝張慶盛朱士坊以上六人新增

柏林書屋 在學門內東平湖廟學志雍正六年邑人建為會

課公所浙江通志今燬

射圃 在山川壇左有亭成化中知縣朱德建柳嘉靖問

遷城外浙江通志知縣顧廷對置射器平湖程志

國朝雍正八年于殿後隙地作射圃平湖王志

學田 明嘉靖三十八年知縣陳一謙始置武惠伯陸炳

助之平湖程志顧廷對重定學田規制序平湖縣學
以資貧生計田五百畝每畝取租九斗共租四百五十
石每年徵貯本學倉設運頭一名專掌收放又慮糧餉
之重或無實惠查將蔣銓等無糧田二頃餘畝裨補其
半規畫初定而陳公遇制回籍各佃戶仍逋負不納庚
申冬不佞蒞茲土廉悉其由深羨文峯之善政而惜其
志未竟迨辛酉奉例當大造覈民間隱田得若干畝併
合前田照數補之盡復其稅緣版籍有定未可指名收
除止於實徵冊總之盈縮其數由是文峯之初志有
成矣本年八月邑人陸廷鑾者亦以義田呈報蓋陸武
惠公常欲為本學及本族生員貧寒者之助厥嗣錦衣
公體先德而成之武惠之仁錦衣之孝具見之矣田一
百六十七畝二分之共租一百二十石亦查得隱田有餘
者盡數裨補使諸生獲沾隆慶六年知縣謝良弼更置
武惠之實惠猶文峯也張大忠又撥邑人入官田共田五
義田二百二十餘畝張大忠

百八十三畝零平湖王志

國朝康熙四年核實田四百二十一畝六分二釐四毫平湖朱志張志

縣徵租米三百四十五石二斗五升雍正間邑人捐田三十四畝九分零

為脩學費平湖張志今勘實田六百二十七畝零見該縣學各年冊報

明萬厯間知縣羅尙忠捐俸置田贍貧士舊志稱羅太

常義田施鳳來記羅侯以俸買民田得一百三十九畝

十二畝有奇陳熙昌記田二百一十七畝五分零地二

四分零

國朝康熙六年核實田地二百五畝六分零平湖朱志原定貧士

三十歲給米五斗康熙四十五年知縣董天眷覈實均

六人給八十餘人人給米七斗有奇西野筆談案以上二

十年後知縣王恒核學田及義田歲入分極貧士乾隆

五十九年邑人吳璫捐錢七百緡于嘉慶四年置田四

十二畝四分零又奚泗哲吳宗鏞吳鼎燮陸拱斗黃坤

公捐田四十九畝七分零共額租米一百石一斗七升為歲脩費刊

徵信錄支銷伊志同治十一年教諭嚴嘉榮以贄田三十

五畝零捐入學中為增脩祭器及禮樂諸生酌加祭胙

之資通詳立案

教諭署 在明倫堂東明嘉靖三十九年教諭曾士彥建

萬曆三十一年知縣王羲民建鳳翥軒平湖程志

國朝雍正三年教諭趙翰重建平湖高志乾隆三十一年教諭周

大樞樹梅改曰有梅堂五十三年教諭何蕙重建改題

飽經伊志嘉慶二十三年教諭章鈞沐脩葺咸豐間毀同

治六年教諭嚴嘉榮請款重修

訓導署 在明倫堂西明成化中教諭林光創建平湖張志

國朝嘉慶三年訓導凌象山重建講堂題曰耘雅伊志二十三

年訓導程夢麟重脩咸豐間燬同治六年訓導汪儒玉

請款重建

社學 在德藏寺塔東舊舒公井上明宏治四年知縣林

奇建柳志在城一各鎮常平倉側四柳志嘉靖中知縣陳一

謙建三所在北門內一報功祠左右二平湖程志馮

義學 在城隍廟左康熙二十七年知縣朱維熊建平湖志

朱維熊為記三十六年知縣王瑋倡置義田平湖張志

當湖書院 在南門內陸清獻祠後乾隆十五年知縣閻

公銑遷置平湖張志邑人張蝶捐建又千金取息備

肄業地迨謁陸清獻公祠思公之學行純正洵足勵風

俗正人心書院之設允宜在是迺捐修脯延山長集邑

之雋講學會文於祠月以為常恒苦人滿思有以增廓

成諸生幸近公之居去公之世未遠茲復得昕夕仰

瞻升堂習禮知必有感發奮興慨然奉公為師法者乾

隆五十年知縣王恒重修建樓五楹王恒為記五十四年邑

人張誠捐田地蕩一百六十六畝零為膏火知縣王恒

詳定釐正規條刊石平湖王志王恒為記 嘉慶四年里人公置

田二十七畝九分零伊志五年屈芥舟置田一十四畝張

保盛置田二十畝又置佃官基四分六釐四毫院內向

祀知縣閻公銑王恒十五年邑紳請以張誠附祀通詳

立案二十二年知縣劉肇紳捐置大學衍義四書大全

四書匯參十三經注疏佩文韻府通考通典通志共八

種咸豐末毀同治中邑紳徐鼎基等請欵重脩張姓江

姓續捐田地九十五畝有奇

新溪書院 在新埭鎮乾隆五十三年知縣王恒捐設義

學後易今名

蘆川書院 在新倉鎮乾隆五十三年知縣王恒設先為

義學後易今名咸豐末廢同治四年廩生徐步瀛捐購京圩西地二畝八分有奇建造院屋倡捐田一百五十三畝零濟經費又與舉人馬承昭等勸捐田四百八十一畝零為膏火資通詳立案今陸續增置共有田蕩六百九十畝零

觀海書院 在乍浦南門內舊名九峯書院乾隆四年海防同知林緒光建劉錫勇為記三十八年知縣董鈞改今名四十二年知縣劉雁題重建里人置田十八畝五分零又捐銀六百兩取息為經費伊志咸豐中九峯觀海各延山長課士分為二院後值兵燹俱燬廢同治中邑人陳

珮璣等捐田助資舉行考課為觀海書院舉人張天翔等捐田請于縣延師開課為九峯書院

崇文書院 即報公祠浙江通志明嘉靖間知縣陳一謙立舊浙

國朝雍正元年知縣林緒光移設德藏寺殿後改名鳳溪四年知縣楊克慧改為崇文義學乾隆五年知縣方以恭復舊名平湖高志今廢

介菴書院 在縣治東浙江通志案山上明總督胡宗憲為陸

天心書院 為陸氏義塾舊浙江通志在舊帶平湖程志今廢

學校二

江村義塾 在縣南三十里朱江坊乾隆四十四年武舉

孫斌建並捐田五十畝有奇童蒙貧乏者皆就學焉刊

有規則今廢

思源書塾 在縣治西嘉慶十七年職員黃鳳捐置又捐

田二百七十畝為塾中薪水束脩之用今廢

石門縣學 在縣治東元至正中改建

大清一統志宋元豐八

年令吳伯舉始創學于縣南運河之西岍括記吳越多山而湖澤漸其下其支流淮渚之間不辨牛馬崇德居山澤之介孔道四出戰國之時闔閭勾踐常大戰于橋李禦兒之間裂其地而守之至今墟壠網絡稻蟹之刊轉徙數州元豐八年括蒼吳君伯舉為是邑也始為築宮廟以祀孔子聚學者擇經師而教之以義理行能不荷使之為文章誦習務中有司之程而已培高為堂燕

有二室繚以環廬豐約稱事四方聞令賢皆來學惟恐在後崇德為遠邑縣令為小官興材賦工動觸吏禁非篤誠自信強有才者不能任也此其成就之難又未若持之之難也債犀象決鴻鵠之器非深山大谷則無以養其才執規矩而求之者不視其材視所養則耽耽之室執規矩者所視也養之以先王之所得以興者而不得循其末助則其為紹興間知縣黃揚徒置東南隅趙

後令相繼增廣堂有成德堂采芹亭致道育德二齋

序列四先生有奎星亭令奚士達建

陸峻記案吳志慶元四年奚士達

為沈晦立陸峻記今案峻記脩復沈

晦舊迹耳非為沈晦立也吳志誤尚書陳塏重剏

元升為州知州王雍徙萬歲橋東

趙圖記案至元辛丑改建于今所

堂曰明倫齋曰興

仁集義見柳志明洪武六年知縣田慶元重建

永樂乙未州判陳原祐新之宣德間巡撫胡槩命有司

脩整正統十一年知縣焦寬葺堂齋天順三年知縣郁

綸脩殿廡易櫺星門以石建號房學門魏驥為記成化六年

知縣王輿建明倫堂築露臺張甯記畧崇德為嘉興上邑其俗多秀民美士自宋

至今科第相望正統中邑令焦寬重建明倫堂于學之

故址歲久弗時葺日就傾圯大尹南巢王君以鄉進士

出宰是邑下車瞻謁已有成慮民未可以遽勞也乃早

夜績晝聚財鳩工為備幾十之八九而民向未知成化

庚寅三月卜日經始言諸師生擇弟子之能者揚明費

敏使為倡率邑中聞義而起富者以資貧者効力是秋

八月具以成告俯仰周接輪奐一新自昔更始舉邑未

有敏贍和洽不以令民而民樂從如此是可見養士

之足以勤人矣嗟夫天下無一非聖人之道民皆由其

事而不知士能明其理而不倍故士之所在其民必良

無士之地其國必殆一得一失古有明徵無與學養十

士之功而欲善化于天下雖絕力優智皆苟焉耳

四年知縣張超脩兩廡塑像置祭器會饌堂宰牲所宏

治四年知縣吳浚建殿廡改學門遷號舍柳志張甯為記八年立

正德中知縣洪異脩兩廡戟門學使徐蕃徙正鄉賢祠

學使劉瑞檄建名宦祠邵銳陳震為記縣尉李滋為文璧山桂

山并構贍學屋四十楹吳志嘉靖間知縣許繹增建敬一

亭崇德陳志知縣劉宗武脩明倫堂邑人呂希周開泮池與

河通又建三塔案萬歷間知縣王述古教諭趙賢左相繼脩之見吳志隆慶二年

知縣朱潤脩堂齋諸門齋曰脩德講學門曰志伊學顏朱潤呂希周各為記六

年知縣蔡貴易脩堂吳志泮池宏謨為記萬歷初知縣陳

履重葺有文峯三塔時存一劉志攝縣通判方玘脩名宦

鄉賢祠吳志郭子直為記二十六年知縣陳允堅脩廟學崇德陳志

遠許孚二十八年教諭陳繼祖改解宇植桃李三十八

年知縣靳一派脩明倫堂呂希周改建奎星亭崇禎間

知縣劉國會登泮池及堤石門十七年知縣解學周重

建明倫堂吳志

國朝順治十二年重建大清一統志案袁吳二志為通

谷應泰記順治丁酉戊戌間會兵燹後學宮多廢不治
余間以其力鳩工庀材今無不釐然次第舉者而外郡
則石門鎮禦兒鄉其故址猶有存者國家奠鼎以來
樓船將軍指閩越下東甌往來驛驛以藪爾彈丸當其
衝夜半下片檄徵芻蕘幾何卒徒幾何詰且無不立具
者邑有司日不暇給余按檣李經其地見農夫釋耒治
道嘆息者久之益民力為已竭矣迺比者建學之議一
興而君子相與倡于上小民相與和于下簡徒程工人
爭趨之三年而學成為資五千九百有奇而捐者不以
為費為屋廟廡祠堂數十間又以其餘葺垣墉築池沼

而役者不以為勞噫何其不台而行也語曰雖不能至
心竊嚮往之余不敏敬從鄉先生良有司後以為諸生
勸康熙十年教諭陳祖法重建敬一亭陳祖法十一年

許汝揚登階十二年知縣杜森脩戟門明倫堂石門雍

正元年知縣王以和脩櫺星門六年知縣呂廷鑄脩明

倫堂及儒學門浙江乾隆十一年知縣倪瑄倡脩陳其

二十四年知縣周鼎教諭邵灝重脩四十六年知縣朱

麟徵教諭費震訓導陸時茂先後倡捐大脩伊嘉慶十

二年知縣洪鐘傑教諭柳超二十四年知縣耿維祐教

諭闕樹葵先後修葺道光十五年知縣齊雙進教諭宋

成勳訓導王世勳倡捐重修廟學于咸豐十一年燬同

治五年知縣楊恩澍籌款重建殿廡門牆九年知縣陳謨重建明倫堂十一年知縣余麗元以明倫堂為崇聖祠而改建明倫堂于大成殿東北

崇聖祠 明嘉靖九年知縣許繹建于桂山後隆慶二年

知縣朱潤改建學門東崇德新志朱潤為記

國朝雍正二年知縣王以和增葺伊志咸豐十一年燬同治十

一年知縣余麗元以舊建明倫堂改奉為祠

尊經閣 在明倫堂左明隆慶六年建姜寶為記萬曆三十七

年知縣靳一派重修置田四畝為舉祀費崇德新志

國朝康熙二年教諭陳祖法重建吳志陳祖法為記雍正二年知縣

呂廷鑄重修浙江通志今燬未建

名宦祠 舊在儒學門東隆慶初遷戟門左咸豐末燬同

治五年重建 祀宋吳伯舉鄧根黃幹明畢輝蔡貴易

孫承謨陳允堅高士選

國朝廬崇興又通祀總督朱昌祚以下十一人詳府名宦按浙江通志石門名宦祀吳伯舉以下八人吳

志增通祀王國安一人今考浙省通祀凡十一人皆應增祀伊志

鄉賢祠 舊在桂山後隆慶初遷戟門右咸豐末燬同治

五年重建 祀宋趙汝能趙汝愚錢文徐綱莫若冲徐

龜年陸坡蔡闢輔廣陳炳陳塏元衛富益明鮑恂貝瓊

姚文潘蕃周崑呂煥呂炯郭子直沈大德勞永嘉陸典

呂元學費彥芳吳沛然吳尙倫曹廣吳爾壘吳之屏以上

二人鄭顧文昌以上舊志朱逢吉姚鵬從學冊補

國朝吳之振吳寶林朱輔鍾景音鍾朗顧朱勞叔融鍾天奇

鍾璜吳志三十人從鄭志增二人伊志八人增二人合四十二人

忠義孝弟祠 在射圃東二十步雍正元年知縣呂廷鑄

奉文創建乾隆四十八年知縣朱麟徵倡捐建成豐末

燬未建 祀宋趙汝愚明程本立費彥芳二人遵欽定勝朝

殉節諸臣錄增方暲

國朝周鍾岳以上舊志陳琬陳鳳從學冊補馬國棠葉恩照凌茂松新

射圃 舊在學之西北柳志宏治初知縣吳浚改建廟東嘉

靖中知縣陳憲卽號舍遺址為圃石門志崇禎間教諭孫

肇元建門題額石門志今在尊經閣東南浙江通志

學田 宋嘉定間主學輔廣嘗經理之以豐廩餼柳志

記天下事無不可為利不主于己則慮之必精處之必當行之必力苟反是則日曉之見違恤其必惟志於得甯論非據顧護徵營首鼠弗確事之小者猶不可為而况望其可以為大乎甚矣利心之不可有也一國一家之所謂利者皆害之言自其貪慾熏灼患禍相延則前日師親友以求益朝廷為之設郡縣之脩身厲行以為常隆厚其廩給使之不闕田以養士而士之有位於學此有學必有田不可廢闕田以養士而士之有位於學此有學心焉則千歲之日猶一時也輔公廣為崇德縣主學以

防欺又將有惡其害已而去其籍遂復勒之石以期不

渝公可謂知所處而勇于行矣嗚呼公能私淑一邑之士俾其深知道義則斯石其可久否雖豐碑插棟疾視在旁乘罇排根不去不止恨不得駕十牛而扑之亟耳是區區之尋尺者果足恃乎贍學舊凡八百斛司存為蠹邑改以肆其庾氏輾轉吏謾益漫漶不可攷慶元四年有主學木君曇白之縣遺簿曹行根拓之令所存僅八之一士無以養其時邑之由進士選者莫公元忠與今知昭武蔡公開知歷陽陸公峻合辭媿力從漕倉兩司乞撥沒官田若干學又自置民產若干令悉刊其畝步之所至斗斛之所入與租戶若而人詩不云乎我心匪石不可轉也後之人能知涇祐中知縣黃元直撥田給廩養士至元嘉靖中呂希周捐田一百七十四畝有奇石門鄺志姚汝舟記呂大夫東匪之為諸生慷慨心務奇節有古豪士風既通貴典衡選進退天下士傾夫樂也遭歲連緝士或不得安居卒業大夫召其子端甫曰嗟乎小子禮生於有廢於無吾始蒙世業得專肄習以能有成功起家文學今諸生得無有困窘微會幾

至易業者乎自吾為諸生病無羨貲轉貸求給往往而哉若為我履畝割腴而計之可得百有二十畝其租可得四十鍾移書學師籍其入附著令甲什二給常賦什入贍諸生喪祭冠婚之不能備禮者端甫度其田數以輸學宮萬曆中呂煥捐田五十畝五分零陳允堅又徐稷捐田地九畝九分零呂元

肇置田二十畝袁志知縣靳一派捐俸置田五十九畝一分零石門鄺志派趙賢意各為記

國朝乾隆六十年邑人胡源遵父以陶志捐田百畝助考試

費巡撫阮元核定規例刊石垂久焉伊志又贍學房四十

間明正德中典史李滋建歲取賃錢以贍費嘉靖中呂

希周脩之萬曆中教諭陳繼祖重建崇德外贍學田六

十六畝四分零輸賦外歲收批解石門今勘實學田五

十九畝四分七釐零地六畝八分八釐零見該學各年冊報

教諭署 在學顏門西明萬曆三十八年知縣陳繼祖改

建

國朝乾隆四十二年教諭陳存矩捐脩嘉慶五年教諭柳超

詳請借俸重脩伊道光十七年教諭宋成勳興脩于成

豐十一年燬未建

訓導署 在教諭署之前乾隆六十年訓導方暨捐脩伊

咸豐末燬同治九年知縣陳謨重建

社學 在學東浙江舊在崇福寺西明宏治四年知縣吳

浚改城隍廟東袁萬曆初知縣蔡貴易改建縣治東吳

又各鄉五所隆慶初學道屠羲英毀淫祠建石門

傳貽書院 在縣治東北大清宋儒輔廣讀書之所後

人立書院祀焉續文獻潛菴先生廣紫陽門人也自祠

官歸隱語溪題堂曰傳貽咸淳五年知縣家之柄建額

今名堂曰本文齋二曰書味曰師傳朱文公亦祀焉至

志開諸文及翁記自宋受命肇基立極藝祖皇帝一曰洞
聖傳心之妙又一日我心少有邪曲人皆見之識者謂得三
理最大識者謂開萬世問何物最大時元臣對以道
天下凡曰書院通經學古之士彬彬輩出慶歷間詔州
縣皆立學道化大明儒風丕振至濂溪周子建圖著書
微顯闡幽明道伊川二程子實得其傳程門高弟如楊
如游如尹如謝皆天下英才中原板蕩載道而南楊游

尹謝數子實大有力焉龜山楊文靖公一傳而羅仲素
 再傳而李延平朱文公受學于延平見之師友問答可
 考也文公門人遍天下中更偽禁歲寒松柏疾風勁草
 磨涅而不磷繼者絕無而僅有于時潛菴輔公獨立不
 懼遜世無悶自祠官報罷歸隱語溪題讀書之堂曰傳
 貽蓋將以傳之先儒貽之後學為已任著書滿家易書
 詩春秋禮記有註釋大學論語孟子中庸有問答通鑑
 有說師訓有編日新有錄禩著有藁襲藏于家至今語
 溪之人熏其德而善良不知其幾祠而奉之尸而祝之
 宜也嘗謂太極一而陰陽分有陽則有陰有善則有惡
 有君子則有小人以孔孟大聖大賢不免叔孫臧倉之
 毀元祐諸賢而指為姦元符上書而指為邪慶元道學
 而指為偽嗚呼此未定之天也乃天者定人者泯元祐
 諸賢元符上書慶元道學至今光明碩大照耀汗青一
 時儉士萬世遺臭剝爛復反否極泰亨君子小人之界
 限事久論定此潛菴復贈之典日星垂而河漢流也崇
 德縣大夫家之柄以元祐同門元符上書故家習聞詩
 禮及見典型洋洋與誦挺挺祖風于簿書期會整暇之
 餘思所以彰善瘴惡表厥宅里樹之風聲此傳貽書堂
 所由建也堂成移書謁記敢拜手稽首對揚我朝道學

源流之盛以詭同志庶學者于善惡之幾正邪之別義
 利之判人心道心之危微天理人欲之消長知決擇而
 定趨向焉不至為君子之棄小人之歸其明嘉靖間知
 於國家化民成俗之意豈曰小補之哉
 縣張守約重建于射圃舊址姚汝舟張後廢為倉呂希
 周胡其久購復之胡其久為記萬厯初知縣蔡貴易重建二
 十九年知縣陳允堅得廣遺像奉院中三十六年知縣
 靳一派增脩靳一派為記

國朝康熙十三年知縣杜森鄺世培相繼脩建石門鄺志
 為道光七年知縣盧昆鑾率紳士重建杜森管鳳來
 序道子思繼其微至孟子而始著孟子而後周程張子繼
 其絕至朱子而始著蓋有宋諸儒相繼蔚起洛學再傳
 而朱子集其成砥窮理以致知反躬以實踐一以居
 敬為主而得洙泗真傳其門人更相傳授以闡微言而

昌正學何其盛也自紹興初陳公輔上疏力詆伊川其
後何若謝廓然趙彥中鄭丙陳賈林栗之徒從而媒孽
道學之名為世大詬及韓侂胄用事籍宰執至士人凡
五十九人概指為偽學於是道學之禁歷四朝六十餘
年至嘉泰而其禁始弛朱子之歿已逾年矣方禍之亟
也學者解或詭他師崇德輔漢卿先生獨不為動且
棄產往隨以身試禍入京師居太學之南相與質疑問
難志不少屈者何也孔子道至朱子而始著將以
傳之先賢者貽之來學也爰名其堂曰傳貽以祀朱子
躬行倡率後學興起魏氏了翁亦出其門經史雜著多
所脩明然則如輔善道者無論立德立言學術深造即
其篤信好學守死善道詎不足為百世之師哉昆鑾宰
臨安時倡立錦城書院及來石門讀先生之書慨然於
聖賢之道可傳可貽者當講明而切究之也願諸生肄
業之所創於乾隆二十七年嘉慶初年於城東爽塏之
捐廉以資膏火地既湫隘經費又絀乃於城東爽塏之
地買屋若干間謀於邑紳士捐資締造越旬月而克觀
厥成仍以傳貽之名顏之而祀先生於中亦踵先生奉
祀朱子之志也課士規條而仿錦城書院經畫既定乃
進諸生而諭之曰我朝敦崇實學

御製詩文於周程張朱俱稱曰子而不名誠以有宋諸
儒得先聖之真傳也而說經之士往往辯論曉曉講宋
學者以漢儒為拘牽文破碎大道捨擄訓詁之末務述
以宋儒為遺經則周程張朱諸子之迂談不知無馬鄭
賈之各抱深通大義則孔顏曾孟之道何自尋其緒無
張朱之深通大義則孔顏曾孟之道何自尋其緒無周程
幸逢聖朝無邪說之簧鼓而或漢學宋學橫分畛
域各挾拘墟之見欲窺聖賢之傳難矣其下者溺於
化之術謂科舉之見欲窺聖賢之傳難矣其下者溺於
學官之書揆之舉可弋獲專事摹揣墨守沙之冊高閣
獲選者亦少其人昆鑾嘗有慨於此既取輔先生之
義以名諸生肄業之所因思先生守朱子之道於邪說
橫流之時其勢難中序詩童子問曰橋李士夫藏是書
其道易昔胡氏一難諸生讀朱子之書於正學昌明之
如至寶傳是書如秘帙然則先生之書固此邦之寶也
服膺久矣夫先生傳朱子之道即傳朱子所傳孔孟之
道以貽來學者也凡在傳貽書院者苟深思夫所傳所
貽者何在則科舉之業既不誤於速化之術而分門漢
宋入主出奴者當恍然於孔孟之道殊途而同歸勿為
公輔之徒設淫辭而助之攻也此則子之所願與語溪

士君子共守也夫司事馬珮思葉城鄭燾蔡應莫吳作霖朱邵楣馬鳳翔馬煥猷鄭塏鍾浩全勒石咸豐

十一年燬同治四年知縣楊恩澍重建九年知縣陳謨

捐廉錢六百千生息備用

白社書院

在石人涇

浙江通志

衛富益教授講學處

舊浙江通志

廢今

綠槐書院

在石門鎮東三里王畿之裔分棲于此

袁志今

廢

崇文書院

在城內西北隅乾隆二十七年邑人公置以

課士

凡埋齒施耨給藥放生惜字諸善會亦集于此

四十八年捐建講堂書廳

後樓軒廊庖福咸備並有竹山魚池繚以垣墉舊名崇

文堂嘉慶三年知縣方維翰同教諭柳超講課改題今

額公捐膏火

伊志

咸豐十一年燬

開文書院

在玉溪鎮運河東岸玉溪橋右咸豐元年知

縣張家縉建前為講堂後樓祀宋儒黃幹今燬

延陵義塾

元皇慶中吳英建在縣東南運河左址廣十

畝構屋六十楹塑先聖諸賢像撥田五頃資春秋祀事

及師生脩饌費

柳志今廢

義學

舊有五所東在廣福寺南在育嬰堂西在慧菴北

在甘露寺道光三年知縣鄧廷彩捐建中在崇福寺軒

轅殿邑人捐設道光七年知縣盧昆鑾捐廉并撥四學

餘貲以濟之咸豐十年俱燬同治十一年知縣余麗元捐廉復設一在崇福寺一在財神堂

玉溪義學 在玉溪鎮西竺庵光緒二年知縣余麗元倡設

生賢義學 在洲錢鎮祇園寺初為生賢文社主簿楊純禮捐廉倡設光緒元年知縣余麗元改為義學撥育嬰堂餘款以濟之

桐鄉縣學 在縣治東北一里明宣德五年大理寺卿胡槩知府齊政相地得邑民徐進居為學基案劉志宋文思院徐綱之裔眾水匯合形如半壁七年知縣趙中建明倫堂正統二年知縣

范宣建大成殿兩廡神廚神庫文昌祠知縣田玉建戟

門櫺星門二齋居仁由義號舍倉廨門闕射圃柳天順四年

知縣張泰重脩殿廡增建後堂曰樂及退省軒易櫺星

門以石縣丞鄧玘建饌堂觀德亭明浙江通志李賢為記成化五

年知縣左源新明倫堂七年參議劉潺僉事周正方縣

丞李經撤殿新之劉宣記桐鄉本崇德地宣德庚戌歲析為是縣于時庶事草創學校廟殿

悉卑陋不稱加以歲久日就傾圮厥後提調學校按察

司副使劉君嘗新明倫堂成化辛卯按察司僉事周君

正方按臨是邑撤其舊而新之時得罰贖金若干付所

司市材募工至役夫亦授直殿成以間計者三其高五

十尺深加四尺廣視深又加二尺蓋增于舊者五之三

云經始于是年臘月落成于明年二月適提調學校僉

事張君悅至又命十年知縣孟俊重新號舍建齋宿房

工重肖聖賢像

十六年知縣張翬新饌堂二十一年知縣梁敬新圍牆

易奎光樓柳志宏治中知縣王昊脩明倫堂置俸廩倉後

知縣李廷梧考正鄉賢祠位錢福為記正德九年知縣任洛

重建明倫堂及儀門脩饌堂齋閣號廳立題名碑沈煉記正

德王申秋七月任侯來尹是邑瞻謁先聖禮成載觀學之規制慨然有鼎新之志越二年憲副徐公宣之奉勅督理學政諸生建增大之議徐公是之侯喜成其志爰鳴工庀材宏壯半倍于昔新學宮之外築河岸百丈有奇

嘉靖九年知縣王宸增建敬一亭劉志十七年知縣朱

尙質脩明倫堂吳志呂四十二年知縣曾士彥脩整

廟學建文昌祠文奎閣劉志萬曆五年知縣蔡時

鼎新明倫堂九年知縣高梅教諭李九標新殿廡儀門

櫺星門案李樂記先聖先賢諸主狹小宏其制名宦鄉賢祠左右失序正其位李九標又

建文昌祠茅神為記二十二年知縣陸枝重脩廟學馮致教為記

諭韓士元倡建聚奎樓沈士充記

國朝康熙七年教諭閩圻申重建明倫堂十五年巡撫陳秉

直知府盧崇興知縣徐秉元倡捐大脩殿廡建大成門

杜臻記畧浙撫陳公起家三韓由方伯而晉陟禾郡之盧公以卓犖異才擢為郡牧二公之偉業不可殫述矣煥新桐學乃善政之尤鉅者方今聖天子銳意文治臨雍講學開科求士尤倦倦焉桐之學人文蔚起向嘗甲禾郡自鼎革來半畝之宮鞠為茂草至賢書絕響入廟而觀瞻者靡不慨嘆謂未足副崇儒重道之盛心也今年春司諭馮君議重建邑侯徐君脩述以請撫軍陳公首捐五十金郡尊盧公割俸二十石且手製募敘多方勸輸自是里中鼓舞爭助始自正月落成于是秋重九先脩聖殿三間高五十尺深五十二尺廣五十

六尺費香楹椽簷墉垣牆無不選料精良加以丹漆金彩次造大成門九間高二十四尺廣九十八尺深二十五尺皆堅巨輝煌殿東西接兩廡側皆漆屋兩廡俱脩飾之巽門豎石柱圍牆新築五十四丈殿之前後泊門內外淤泥草萊挑除淨盡不數月而為宏麗之規學東有登後橋乃泮水青龍所會久圯新之以通冠蓋工竣郵書求予序其事余思當此水旱游臻兵燹交困之時而工成不日非二公倡導宣揚正己率人又烏能使桐奕葉也哉

祠自為二十四年登泮池吳志三十四年知縣郭金湯脩

殿廡建二坊五十六年邑人金學渭脩名宦鄉賢祠江浙

通志雍正五年邑人汪繩煥重建明倫堂葺禮門泮橋購

地築宮牆蔡可遠為記七年知縣蔡可遠捐建名宦祠馮景夏為

記十三年知縣蔡可遠教諭汪楷訓導吳昌祺倡脩殿

廡泮池櫺星儀門及各祠重建宮牆乾隆三十八年知

縣潘安智董脩廟學盡皆新之五十五年邑人陳亮世

脩葺櫺星門明倫堂五十七年知縣呂爾熺捐廉同教

諭殷立梧訓導周人英倡脩大成殿重建兩廡及各祠

宇嘉慶四年知縣李廷輝請帑竣工伊志李廷輝為記道光六

年知縣王鼎銘教諭宋咸熙訓導褚運鯤勸輸重脩大

成殿櫺星門九年知縣王鼎銘重葺泮池石岸教諭程

希濂重建泮橋十四年又勸輸重脩文昌閣于同治四

年邑紳嚴辰請欵統脩規制如初嚴辰為記

崇聖祠 在明倫堂後即舊啟聖祠嘉靖九年知縣王宸建吳志

國朝康熙十九年訓導吳賓文重建吳志雍正二年奉文改葺

十三年知縣蔡可遠重脩乾隆五十八年署知縣戴廷

沐倡率重建伊志同治四年邑紳嚴辰請款脩

尊經閣 在明倫堂後明宏治中知縣王昊脩嘉靖戊申

知縣朱尚質重建四十二年邑人沈瓚捐建知縣曾士

彥成之桐鄉徐志今廢鍾繼元記

名宦祠 今在學宮之東乾隆五十九年紳士改建伊志

祀明生用和田玉張泰孟俊王昊楊燦任洛范來賢方

克胡宗憲阮鶚宗禮霍宗道侯槐何衡嘉禾徵獻錄作何翔錢淵

金燕蔡時鼎方可正須之彥藍應斗嵇之楚

國朝盧崇興何金蘭劉鎰又通祀總督朱昌祚以下十一人詳府名宦按明代自胡宗憲以

下六人向祀於忠義孝弟祠者改入名宦

鄉賢祠 今在名宦祠右乾隆五十九年移建伊志祀宋

徐綱明鮑恂貝瓊程本立錢貢李樂馮孜朱大雅沈照

沈蒸沈雲從錢夢得錢夢傳沈思充朱邦祈沈錫陳素

張履祥已從祀東廡

國朝鄒璜鄭蘊宏沈允文金士瑜案吳志云明縣志有馬繼

繼元祁鯨陸增陸日新陸吉馮浩于志馮景夏陸以湑

陸懋元十一人

忠義孝弟祠 在名宦祠之北雍正元年奉文建乾隆五

十八年重建伊志 祀五代薛仁德元衛富益濮鑑明程

本立濮宗淵濮圓齡朱霽陸日新鍾名遠王三錫沈鏗

董皋濮文起莊儒徐梗徐嵒陸鼇王全顏小童王顯係

張鯢鍾啟明王允昌從通志 錢汝迢府縣志傳 湯日新葉

應乾夏儒李成德李尙白李懋華張明俊吳重光沈方

遵朝殉節諸臣錄增欽定勝

國朝施錕志傳 周起龍周應驊薛陞烏青鎮志 計灝孔尙忠

以上伊志忠嚴謹忠義 宋吳三五潘十三通志作 錢四

十二施二十通志作 范奎一作 明檀郁從通志 甯冠朱杲

陸天錫毛文耀錢夢傳仲應鶴張昭湯土陞唐元跋朱

涵臺 案孝子檀郁係安徽桐城縣人見萬姓統譜

國朝沈樾陸費錫施國楨錢枋張景曾施永譽桐鄉徐志 范

文裕錢天濟李元任時慶孫嘉麗張侶韓沈元楷莊三

聘李元慶祈起元以上伊志孝弟三十二人

射圃 在奎光樓後內有觀德亭桐鄉徐志

學田 新舊共四百一十一畝八分四釐劉志袁志同 又乾隆

元年縣人倪作楫五十一年縣人蔣受基先後捐田十

七畝三分為惜字經費伊志 今勘實學田地四百二十二

畝零見各年冊報

教諭署 今在明倫堂西南由義齋之後嘉慶元年教諭

殷立梧重脩伊志同治四年邑紳嚴辰請款脩

訓導署 向在司教署後今遷明倫堂東南乾隆五十七

年訓導周人英重脩伊志道光二年訓導趙煥脩于志同

治四年邑紳嚴辰請款重脩

義學 在縣治東寅賓館舊址雍正九年知縣陳大慶建

浙江通志十年知縣蔡可遠延師捐餼乾隆五十四年署知

縣郭文鈇重葺捐俸資課伊志今廢

社學 三所一在西門外吳志云市一在玉溪鎮東一在

青鎮興德橋東浙江通志今廢

正心書院 在惠雲寺西南明崇禎十四年建浙江通志今廢

立志書院 舊為分水書院在青鎮北中為講堂左右翼

以廂樓後樓五楹前為大門乾隆五十二年邑人沈啟

震捐建同里助之湖州知府雷輪記曰吳興山水清遠

其士澤于詩書其民敦質樸而重廉

耻郡號易治郡東南九十里有聚會烏鎮隸烏程其東

坵曰青鎮隸嘉興之桐鄉一水中分民居稠密縉紳商

賈簪纓富庶不絕形家言鎮水發源天目歷若雪入瀾

溪九水匯環尾閭實居其北南宋時已有羅星前明添

設同知羅公斗于水口築墩屹然中峙其右連三元閣

閣之前有殿歲久殿圯惟閣巍然獨存其額垣廢地滅

沒於荒榛腐草虧蝕於侵佔私賣者數十稔矣歲丁未

余同年友河東觀沈公啟震以恤歸里中因人因鎮

之社學久廢謀所以復之者公慨然獨任迺悉出其橐

中金金盡則典質田宅以繼之庀材鳩工即於三元閣

前址闢萊復土創立講堂學舍凡若干楹不數月工竣

顏之曰分水書院以墩誌也余惟鄉鎮之有書院即古黨

楷不齊今聚其人之秀者使之遊于鄉校之中教之以孝弟文之以禮樂優而柔之厭而飫之肫然返于三代之俗其為功豈淺鮮哉若夫踵事增脩重新墩閣以及講院中脩膳之資出入經理之數烏青兩鎮之紳士實踴躍從五十四年署知縣郭文鈺捐置課士桌橙五十事焉

七年德清徐以坤助膏火田三十畝秦瀛記烏鎮舊名烏戍湖州之烏程

歸安所治地也鎮之東為青鎮隸嘉興之桐鄉烟火相望故又名烏青鎮有墩焉浙西之水發源天目歷苕

雪入瀾溪分九派而匯于鎮明同知羅斗就水口築墩

日分水墩桐鄉沈兵備青齋世居于是乾隆丙午自山

東運河道任歸懼其鄉人失學無師而人材之即于皆

窳也建書院于墩之上即顏曰分水前後屋凡若干楹

堂庶庖廡畢具歲延師課生徒其中以一鎮而聚三邑

之士烏處盛矣今年春兵備及桐鄉令李君廷輝以膏

火緦于貲謀諸余爰偕守令各蠲俸緡而逆平湖進士

徐君為主講古者士無不志于學家有塾黨有庠術有

序又設鄉老鄉大夫州長黨正族師閭胥比長之屬以

董之無非學即無非師也蓋野處之秀教而成之可為

鄉大夫之選不教則將入于莠民而不自知于是董之于師講明于孝友睦婣陶淑于詩書禮樂磨揉遷革而俊造繇是出焉烏鎮故吳地吳越之民多秀而習俗澆漓且其地闐錯雜游放蕩佚之風往往而有是書院之設實合于家塾黨庠術序之遺意而徐君因其徒藏脩游息其教易入則其學易成抑比年以來魁進士科者皆在苕霅數十里之內科目固不足榮多士而士各砥于學以應昌明之運固余之志而兵備與徐君之所期者余故記之

嚴辰請欵改建于青鎮之型字圩額曰立志前後五進中為張楊園先生祠後附義塾本鎮絲商每年集飲佐膏火

桐溪書院 在東水門內同治三年署知縣王聯元籌欵買民房改建並置田四十二畝零延師課士奉張楊園

馮伯陽俞甯世三先生栗主祀焉附設義塾絲商集資
佐經費與立志書院同

義塾 光緒三年知縣龔鳳岐捐廉創設自城內至青鎮
濮院屠甸寺爐頭鎮玉溪鎮凡六處各延師以課童蒙
之無力讀書者通詳立案

嘉興府志卷九

